

瑜伽師地論記

卷九

六



上闕一紙四行

如事有在行戒住攝善法戒下

結之釋

受中有二初於標別列二依章別釋此即初也

論律儀戒者謂至

律儀戒 記曰下依章釋景公云菩薩律儀戒遠至菩提今約七眾

形俱律儀弁菩薩戒者以制過遮防同故又彼菩薩身在七眾身語

七支隨彼七眾有具不具比丘比丘尼有身語七支沙彌沙彌尼及

正學等五眾但有身語四支意三皆具是菩薩

有十

支餘之五眾但有七支除語中三亦可菩薩

諸

故七眾受律儀戒時皆具十善業道以一切

皆如是生皆攝故則師云菩薩律儀與聲聞律儀

眾舊受聲聞戒者後受菩薩戒時所發依故支種



戒支種除與聲聞不共學者其餘支種則與苾芻

若近事男女受五戒竟後更受菩薩戒時所發支

種同故言如是七衆戒則是菩薩律儀戒雖受發

言則是七衆所受戒其餘菩薩四波羅夷四十二種

攝衆生戒中有違犯故立此諸戒非是攝律儀

菩薩戒所以然者聲聞戒命終二形生等失聲聞

菩薩戒有二緣一退菩提心失二起增上煩惱失而不失聲

知菩薩戒與聲聞差別也 論攝善法戒者至攝善法戒

義戒後所有一切為大菩提等者是略據標景公

以義說前後由先離惡後方攝善測師去依舊

戒上舊人解云形前歎後校量顯勝律儀止

不及攝善作脩不共二乘故名為上今去受律儀



山夫義說前後非受前後問三聚淨戒但說受得何故云受  
儀後為大菩提積集諸善是攝善法戒也解云此說相顯律儀戒  
止非說受義顯攝善法戒是作善清淨戒已脩習相顯故云受律  
後為大菩提廣善名攝善法戒就實三聚戒並說受得也

論九 三集

復云何至攝善法戒 記曰下廣明於中有三初約三惠明攝善二  
約三業明如是時時等明身業於諸妙說下明語業於十方界下明  
意業以身語意下約三業明迴向發願及供養行而無放逸身業  
中初敬因以明二於疾病下約悲因以明第三於諸學處下若以景  
言明其七善今依則云明九善一正念二正知三正行四防守密護  
根門五於食知量六初夜後夜常脩覺悟七親近善士依止善願八  
護持不犯九犯已能悔此九善法並如聲聞地出離二道資糧中說



此六正念當彼第五資糧正出能防護根律儀躰正知當彼第八資糧正行當第四資糧安住具戒等防守密護根門者出根律儀所防六根躰由所防無過清淨故亦為一善處思量言於食知量初夜後夜常脩惛寤親近善士等如彼廣說言於自慙犯審諦了知深見過失者當彼第四資糧有六句中第五句於微小罪見大怖畏 論云何菩薩至勤脩正行 記曰饒益有情戒中若依舊論則於此初中分為二謂彼彼事業及瞻待病等開為二故今此論以同皆是助伴故合為一此論第四第五二門彼合為第五故有此開合不同故十一數同彼有前言第一第二等字此論有又字舊人則依彼文判釋云十一中初二是其同事次一是愛語次四是布施後四是利行前同事中饒益為伴樂事中同病等為伴苦事中同今依新論初一是同事次一愛語次五布施後四利行同事有二利一隨義利同事二



九第卷記論地師伽瑜

於拔苦同事布施五中初一報恩施次二無畏施無畏施中初一救  
苦無畏施次一除憂無畏施次一正是財施後一法施御衆利行四  
中初一於無德善人隨順心轉二於有德善人讚揚實德言若隱若  
露等者或在屏處或在衆前歎他實德三於有過軟性有情調伏驅  
擯於下品者調伏中品者呵責治罰上品者駁擯四於有過剛強惡  
人神力制伏 論云何菩薩住至況餘諸欲 記曰第二廣明持中  
三聚戒相初併作三問下次第答答初律儀中初有十句解釋後牒  
十句結之前十句中初句可知第二句云於未來世天魔王官所有  
妙欲不生喜樂者何故不願生色天等彼是禪界以律儀戒是散善  
故不生定地 論又諸菩薩既至今不現起 記曰次三四可知第  
五中云由此因緣則能拘檢乃至彼不現行喜樂亦尔者自攝拘檢



拘檢故於不正言乃至尋思無復作心如昔於彼不正言論現無  
生喜樂菩薩於今住彼不正言論等不現行喜樂亦同前現行喜樂  
故云亦尔 論又諸菩薩於至欲饒益心 記曰第六如文第七云  
諸有情所無損害心無嗔恚心菩薩於彼由懷上品法大悲故等者  
舊論云心不恚恨起法心悲心遠師云法心者是惠以惠知彼是法  
數故無人可嗔悲心者悲心救彼恐當受苦今又解云法大悲者由  
增上品者法可起大悲意取悲救衆生不論法也 論又諸菩薩住  
至不放逸行 記曰第八易知第九五支不放逸行中三於現在正  
行違犯如法悔除者據大三世現在違犯尋則悔除四若於後時當  
所違犯發起猛利自誓欲樂乃至結云先時所作不放逸行者測述  
遠師云如如所應行者作善法如如所應住者止善法也如是如是  
行乃至令無所犯者是專心護持又釋云如如所應行者際前持法如



瑜伽師地論記卷第九

如所應住者牒前受法此明所依法如是行住等正弁持戒行基師  
云此中意謂如有一前身於未來所有犯處自誓不犯於所應行皆  
誓行之以過去發願後身所有善皆行之惡皆息之是此中意五若  
諸菩薩即以如是先時所作不放逸行為所依止乃至不起毀犯等  
者景公云次前則取三際不放逸前如理作意為第四所受禁戒今  
此第五則由三際不放逸前如理作意為依止於彼三際不放逸行  
俱行如理作意為第五測師云此五中前三是悔過行後之二種是  
防非行悔隨三世故有三異防非過未故有二別論又諸菩薩住  
至邪命之法記曰此第十也論菩薩成就至軌則淨命記曰  
結前十支廣明義第四又樂遠離不生喜足結前文前文有二以此  
二句尋義配之准第十配之第五亦尔第十中有二一具足軌則二  
具足淨命具足軌則結發露已惡覆藏自善等乃至威儀寂靜具足



淨命結前難矯詐等一切能起邪命邪命之法矯詐得財是不淨命  
則今難此矯詐名具足淨命 論又諸菩薩已至及五種惠 記曰  
次答第二問攝善法戒中初約六度開為十相後結配上文前中初  
之五度則為五相開惠度以為五相於中有二初列五名二是諸菩  
薩下釋一善知果勝利二善知因次善知因果倒與無倒為三四也  
五善知攝善法障不於無常妄見為常等者於四聖諦若相寂處是

五

事

故於中起於顛倒非餘三諦攝善法障者則六蔽也若依基師解云  
於智度中別開為五處五處者謂知善果勝利第一謂則能得菩提  
時所有相好一切德等了知善因是第二謂六度行等了知善因果  
倒與不倒第三謂則作常樂我淨等解是倒因果若作苦無常等是  
不倒因果了知善法障第四謂了知六度之障謂慳等六蔽了知善



果勝利尋求善因於因果中知倒不倒不計為淨等了知善障等而能速疾離之道第五若依遠師云此之第三知善因果倒與不倒為二一知是七倒二知是非倒四又字中分五處是諸菩薩能於善果下獲解前五處今義不然是諸菩薩下末文云了知攝善法障為攝善故速能遠離釋前何文若釋前第五了知攝善法障者前但言知障不言速離今言速離結前第五豈不相違今分是諸菩薩下為第五以速離障與知障別也問曰若取遠離障為第五與前知善因何別答曰前知善因知六度等是因未能除障今第五除障故有別也汝若以知障除障不得為二者知倒持倒應不得為二汝既不成我義須立前倒與善障何別義曰前倒謂四倒障謂六蔽故有別也問曰何故別問三聚戒中有六問謂住律儀戒善護律儀戒等前結律儀戒則雙牒二法謂住律儀戒善護律儀戒今解攝善法戒及下饒



益有情戒不結第二問但結住攝善法戒等有何意也答曰雖略結文以前例後律儀前中雙結訖例後二應知故不說更有餘釋其解別解脫律儀戒中初生起文中但有住別解脫律儀戒言無善護律儀戒言下結文則雙結兼有善護之言其第三解饒益有情戒中初王起但有住之一言無第二善行一切饒益有情之言其結文中則二種俱結其第二攝善法戒生起唯有住言其結文中云名住攝善法戒速能攝善一切種相速能攝善一切種相之言云意則結善脩攝善法戒之言也以理准別解脫戒則生起及結具次有二其攝善攝主于有准例攝善具二結生起但一攝生即有二生起有二結准中間二同之故文不足又釋前問但只三問謂住律儀而能善護此但一義非有二問也下饒生攝善唯亦一問故下解中生起及結亦只一種無勞煩解下結配中云漸次者泰師云諸行不可煩脩故漸



決脩施等也

論又諸菩薩由至成就一切種

記曰下卷第三問

命

六

素

饒益有情戒中初舉數略標次廣釋後結初云由十一相名住等者  
逐法師云十一相中一一相中各有十一相所以得知者准下第三  
於報恩中具有十一一切種例餘相中亦可齊有略而不說又釋一  
一相中有衆多相故言一切未必具足十一也基師解云何者十一  
相答勘前略解饒生十一相釋下文十一相者謂諸菩薩於諸有情  
彼彼事業皆為助伴下為第一又諸菩薩為諸有情如理宣說謂於  
樂行惡行等下是第二又諸菩薩於其有恩諸有情所深知恩惠下  
是第三又諸菩薩於遭怖畏諸有情類能為救護下是第四又諸菩  
薩於處衰惱諸有情類能善開解下明第五又諸菩薩備資生具隨  
有來求即皆施與下是第六又諸菩薩性好攝受諸有情類如法御



衆下明第七又諸菩薩於有情心性好隨轉隨心轉時下明第八又諸菩薩性好讚揚真實功德令他歡喜下明第九又諸菩薩性好悲愍以調伏法調伏有情下是第十又諸菩薩為欲饒益諸有情故現神通力下明第十一此十一相准上略解十一相配之又依下四十三卷靜慮中與此同雖助伴為二仍合是第一若分為二即十二相也故知合助伴為一若依舊地持自有一二乃至十一數前略中亦尔前解略中已會二論不同所以今此中依舊地持十一者謂諸菩薩於諸有情彼彼事業皆為助伴下是一於諸救苦亦為助伴下第二則於前言第一中分出第二則合前第四第五共為第五一相地持前略解中已有如此開合不同其廣解與略文同今若准下第四十三卷則事業助伴救苦為二門又前言第三解報恩中云如於事業如是於苦於如理說等則分事業救苦為二此何意也義曰今准



前略十一相義則事業救苦合為一以助伴義等故若所為助伴一  
是事業一是救苦二義別故所以後四十三及報恩中開為二何以  
得知即報恩中解云於如理說於方便說如理說前言十一相第二  
相方便說是何第三是報恩方便說合當第三報恩中何處有方便  
說義今解第二如理說中有云或復方便善巧宜說如於樂行等則  
是方便說此若十相明義云如理方便宜說亦合第二若說雖同如  
理方便二義別故故此中分為二問曰若尔何故此報恩中解不牒  
報恩來有何義也義曰此則報恩報恩具前後十相故更不別牒報

七  
第

恩相也若方便說救苦各為一前略中應十二相以助伴中分為二  
故有義此助伴為二若尔何故略中有十一謂十一又字義曰其第  
四第五又字合為第五其第一又字中分助伴為二則此廣文中須



准勘知義曰此從古說其實論梵本無一二三四等標名翻譯家自置  
前第一義為正 論謂諸菩薩於至勞倦衆苦 記曰若依遠師前  
二是同事次一變語次四布施後四利行今則不然初一同事次一  
變語次五布施次四利行以二文違如前引別又同事中有樂苦同  
事初樂後苦依文尋之 論又諸菩薩為至應知亦尔 記曰次一  
變語相中云以相應文句等乃至而為宣說者即以七句明如理說  
相一以相應文句二助伴三隨順四清亮五有用六相稱應順七常  
委分資糧法如此諸句廣如顯揚第十三卷及攝釋分等說攝釋分云  
云何為文謂有六種一者名身二者句身三者文身四者語五者行  
相六者機請下云語者當知略具八分謂先首美妙等由彼語文句  
等相應乃至常委分資糧故能說正法乃至如是八語略具三德一  
者趣向德謂初一種二者自弊德謂次二種三者佳美德謂所餘五



種相應者謂名句文身次第善安立故又依四種道理相應故助伴者能成次第故隨順者謂解釋次第故清徹者文句顯了故清淨資助者善入衆心故相稱者如衆會故應供故稱法故引義故順時故常委分資糧者審悉所作順常所作故名常委彼分者謂正見等此是彼資糧故然此相應等句測分為八別取應順為第七故基判為八句而釋之謂七應順常委八分資糧法也今皆不從則判為七論又諸菩薩於其至已廣分別 記曰次明布施有五初一報恩施次二無畏施次一財施後一法施報恩施中具前十一相景公云初是報恩施可解次於彼事業已下明報恩施中同事次於如理說於方便說者報恩施中愛語次於濟怖畏於衰惱處開解愁憂者明報恩施中無畏施二句可解於惠資具者報恩施內財施名惠資具於與依止者報恩施內法施下有四句於報恩施利行於隨心轉者於



無德善人隨其事轉於顯實德令深歡悅者於有德善人讚德令人  
歡悅於懷親愛方便調伏者於有過軟心調伏顯實於現神通是第  
十一於有過剛強現通折伏驚恐引攝如應廣說當知亦尔者如為

驚恐所以現通為欲引攝現通亦尔泰師云祥處設座者吉祥好處

設床座也於布施中後四如文 論又諸菩薩於有至當知亦尔

記曰性好隨轉下明利行中四一於無德善人性樂隨轉先捨後別  
先知有情若弊若性者舊地持去若性自性遠法師解若性者有共  
住性無共住性自性者有自行性知自性已隨諸有情同住同行自  
下別明隨轉有七句初句有三初明菩薩所現身語生他憂苦無益  
則止有益則行次明菩薩於他事中現行身語生餘有情憂苦無益  
則止有益則行後明菩薩於自事中現行身語生他憂苦非學處攝



瑜伽師地論記卷第九

不順種智則止若順則行如生他憂苦生喜樂亦爾 論又隨他心  
至如法曉喻 記曰上來生他苦樂有隨不隨自下第二知他念經  
可捨不捨有隨不隨三明他來恣共談論四五六句如文可知第七  
句云不屢希望知量而受者於非親情所不數希望他來供施設有  
供施不過分受雖有七句總是利行四句中是初句衆相 論又諸  
菩薩性好讚至饒益有情戒 記曰二明讚有德云於信功德等者  
明七聖財略無慚愧三明有過易調治罰駈擯三品心犯三品呵責  
四明有過難調現通折伏或為恐怖或為引攝先開二門後釋可知  
論是名菩薩至所攝戒藏 記曰大文結也 論若諸菩薩至發私  
願已 記曰第二明依戒脩學中初明依戒脩學後明學戒勝利前  
中又二初廣明脩學二逐難重解前中復二初明從他正受後明白  
淨心受前中有三初明從他正受次明專精守護後明犯已能悔前



中有四初明受戒次明持戒第三重明受戒第四廣弁戒相前中有  
二初明受戒第二歎戒利益较量顯勝前中有三初明前方便次明  
正受戒三明受戒後之方便先略弁義有三門一明受人二明授師  
三明戒因前中有六初明始學必須大乘已發願者二明界趣受菩  
薩戒者通欲界四趣及色界以梵網經說十八梵天一切鬼神等但  
解師語盡受得戒而不言地獄及無色界故十八梵天者如大般若  
說初禪中有四一梵天二大梵天三梵輔天四梵接天二禪中有四  
一少光天二無量光天三光音天四光天三禪中有四一少淨天二  
無量淨天三遍淨天四淨天四禪中有六一福生天二福受天三廣  
果天四清淨天五自在天六自在天三明形相則通道俗四明遮  
難如經說比丘不得與七逆人現身受戒七逆者出佛身血煞父煞



母煞和上煞阿闍梨破羯磨轉法輪僧煞聖人若具七遮則現身不  
得戒餘一切人盡得受戒五明虛實如經說乃至變化人盡受得戒  
此則通於化人非如小乘實報得受非變化人六約五蘊則師去要  
具五蘊無心不得非如小乘乃至入滅定唯有二蘊亦得戒第二明  
能授師大乘菩薩學戒依善生優婆塞戒經二十師羯磨受如似六  
法尼梵網經說於佛菩薩形像前自誓受戒若懺悔見好相便得戒  
若不得好相不得戒若現前先受菩薩戒師前受戒時不須要見好  
相若千里內無能授戒師得佛菩薩形像前受戒而要見好相問曰  
何故聲聞十師菩薩唯一答聲聞戒因力弱須假佳緣故須十師菩  
薩之人菩提心強一師良得又唯下文云智者欲授菩薩戒時先應  
為說菩薩戒及犯戒相令自思惟我堪受戒何故聲聞受戒已後為  
說四重四依菩薩先說戒及犯相答聲聞法中若為先說恐成賊住



不得先說菩薩不尔要須對面先共籌量堪與不堪然後為授云云  
第三明戒因若捨相弁因則菩提心故此文云發無上菩提願已若  
別論者則發三心為三聚因謂斷惡脩善度生也又若依攝論五根  
為三聚因精進為初戒因智根為第二戒因定根為第三戒因信念  
二根通三戒因以此二根能通攝護故上來捨是文外略以三門解戒  
相已就前方便中有三初明受人遠方便謂先發願次從師求戒後  
偏袒下念佛菩薩功德運心供養此即初也 論當審訪求至或少  
淨心 記曰言於語表義能授能開者泰師云應云身口二作今云  
身口表能表內心故也於說作業能受於語作業所詮義能令他開  
解景公云我今欲於善男子所者於出家先受菩薩戒者邊求戒或  
長老所者出家小者或大德所者出家大者今尋律戲善見律云老  
者而言大德少者而稱長老但首律師云此亦不定謂四分律內牽



瑜伽師地論記卷第九

他出房戒中十七群既小六群而語六群言長老是我等上座又七  
百結集中離波多喚一切去寂大上座作大德長老十誦律去從今  
不得直喚上座為長老應云長老某甲如喚長老舍利弗目犍連等不  
許勞倦哀愍聽授者願師不辭勞倦哀愍聽我請及授戒也 論有  
智有力至嘿然而住 記曰二明近方便 論爾時有智有力至答

食光十象

已發 記曰三明戒師近方便測師云此中戒師遠方便義有文無  
所以得知有者別行戒本中正戒師遠方便故知義有然此段文下  
簡擇是非中說故此不論言若坐若立者景公云若對立像戒師則  
立若對坐像戒師則坐故言若坐若立暉師云戒師壯少有力則立  
老瘦無力則坐此師依地持論制受戒章云有三問答一問種姓二  
問名字三問發願 論自此已後至作如是吞 記曰下三番羯磨



正是根本受菩薩戒舊論無正羯磨三藏觀此間無人受菩薩戒故  
不肯翻諸德感夢得羯磨文示於三藏三藏云是遂為流行別行羯  
磨正同此論此文中能授師問受戒菩薩皆答言能不同比丘戒三  
羯磨時無問答也 論乃至第三至恭敬而退 記曰後方便中文  
二初明戒師啓請作證十方衆戒法亦相現二明受已敬禮而退  
論如是菩薩至大功德故 記曰歎勝校量中數有其七一百二十  
三數四計五筭六喻七歸波且煞曇分若依能斷金剛經數有其十  
一百二千三百千四俱胝百千五俱胝那庾多百千六數七計八筭  
九喻十歸波且煞曇分此中略不言百千俱胝那庾多若依般若論師  
律前十數以為四種一者百千百千此三名為數勝持經之種其數  
極多勝前施福故二者俱胝百千俱胝那庾多百千此二名為力勝  
持經之福如人身上有衆多毛唯取一毛折為百千分布施之福不



及一分為明持經之福有大勢力也三者數計算喻此四名不相似  
勝持經之福其福廣大如須弥山將前施福比之猶如芥子大小人  
云不相似也四者鄔波且煞曇分者此云因果勝明持經功德成就  
無漏因果布施之福但成有漏因果今雖此釋菩薩戒所有功德比  
聲聞戒功德亦尔略無俱胥那更多百千名為力勝也 論又此菩  
薩安至當勤脩學 記曰上明受戒訖自下第二明其持戒於中初  
教誡思後專心聞法摩怛復迦者此名本母生智本母則是論藏名  
也 論又諸菩薩不至如應正授 記曰已下第三重明受戒方便  
則是遠方便故迴在後說於中有三初簡釋戒師次明住戒人量機  
授法後明師簡弟子前中有二初明戒師有惠無信不應徒受次明  
戒師有其六弊不脩六度不應徒受有慳貪者等約檀障有四句測  
師云初之二句約内外於中初是內身二是外食後之二句約世分



別於中前句現在貪後句是未來貪 論如是菩薩至他勝處法

記曰下第四廣弁戒相於中有二初明四重後明四十三輕前中有  
二初弁四重相二隨義分別若依梵網經具明十重此論略無前六  
舊名波羅夷此云不共住三藏云梵語正名波羅闍以迦此云他勝  
處法若犯此戒為他所勝此四他勝處法具三聚戒初不為貪求自  
讚毀他是律儀戒則當勝場經於諸衆生不起嫉心第二不慳惜財  
法是饒益有情戒則當勝場經於內外法不起慳心第三不忿恨結  
亦是饒益有情戒第四不謗毀大乘說相似法是攝善法戒此四他  
勝中一貪二慳三嗔四者癡慢如次為解 論菩薩於四至非真菩  
薩 記曰第二隨義分別中有五初明他勝所以無二堪能為魔所  
勝 論菩薩若用至別解脫戒 記曰次明起下中經犯戒不捨上



經則捨言非諸菩薩暫一現行乃至即便棄捨別解脫戒者景公云  
如小乘中經部上座部正量部說出世部皆云於三品經中隨起何  
經犯初重罪則捨律儀唯薩婆多起三品經犯他勝處皆不捨戒今  
大乘宗不同彼二若起上經云捨淨戒中下經犯則不捨戒故云非  
諸菩薩暫一現行他勝處法則捨律儀如小乘說諸苾芻等犯他勝  
法則捨別解脫戒如十輪經說比丘犯重而不捨戒為令俗人於僧  
起敬故言犯重不捨此據起中品經犯下決擇說五緣捨戒中云或  
由捨所學處者是作意捨戒或由犯根本罪故捨戒者據上經犯故  
涅槃言我諸弟子或言犯重捨戒或說不捨皆不解我意今觀此論  
文相大乘宗說聲聞戒暫犯重則捨菩薩戒由數數起經犯而後捨  
也意大同景師而言如小乘說者今不用此言 論若諸菩薩由至  
不任更受 記曰第三明重受 論略由二緣至他勝處法 記曰



第四明二緣捨菩薩戒下次擇說四緣捨戒開合不同至彼當釋景  
公云下五十三明五緣捨苾芻戒此中何故菩薩無善根斷捨一戒  
沒二戒生捨解去菩薩戒從方便善發斷善前方便時已失方便善  
則先捨菩薩戒不為正斷善時方捨故無斷善捨菩薩本性純善惡  
業輕微故無二戒捨犯重捨者則當起上纏犯他勝處捨所學處則  
當退菩提願菩薩戒無命終捨以經生不失故 論者諸菩薩雖至  
亦不新得 記曰第五明淨戒經生不失雖復重受不名新得

論疏

上

事

論本卷第四十一 論如是菩薩至應當了知 記曰自下第二明  
輕戒中文分為三先摠勘知犯非犯相心犯罪時有品階降故言更  
中上也第二別解第三摠結無犯此即初也 論若諸至承事供養  
記曰就別解中若依舊論有四十二輕戒新論有四十三勘當二本



九第卷記論地師伽瑜

舊論無第九煞盜等七支性罪一向不共故數有四十二新論則有  
故具四十三於中若其第八遮罪有共不共別開為三應言數有四  
十四之若其第二十九聞菩薩戒諸佛神力不生信解毀謗中兩若  
別開為二應數成四十五而今兩度皆合故云數有四十三也若依  
仁王經云有四十八種輕然不列名梵網經中有四十八種一一別  
說然與此論所明戒相多是不同此四十三中大分為二初犯三十  
二輕則障於六度攝善法戒後犯十一種輕障於四攝利益衆生前  
中初犯七輕障施次犯七輕障戒次犯四輕障忍次三障精進次三  
障定後八障惠障施七中初五障財施次一法施後一無畏施前中  
初一空度日夜不供養三寶制多者此云靈廟言若不恭敬等者測  
師云次擇說言菩薩於攝善法戒勤脩習時略於六心應善觀察  
輕幾心二懈怠俱行心三有覆弊心四勤勞倦心五病隨行心六障



隨行心廣說乃至如是六心前三生已而忍受者一向有罪病隨行  
心雖復忍受一向無罪餘之二心若生起而忍受者或是有罪或是  
無罪又於作有情利益戒中勤脩習時當觀察六處攝行所謂自他  
財盛法衰法盛此中菩薩作自法衰令他財盛此不應為如今財盛  
法盛亦尔作自財衰令他財盛不引法衰此則應為若引法衰此不  
應為如今財盛法盛亦尔又作自法盛令他財盛此則應為如今財  
盛法盛亦尔廣說如彼今此中亦不恭敬當彼輕蔑心懶惰懈怠者  
則俱行心誤失念而犯者即是障俱行心喜樂談論等等分或可六  
心所不攝無犯任乱者即當病隨行心自不犯下文明初地已上不  
犯如已得四不壞淨苾芻 論若諸至數起現行 記曰第二名利  
無足障自布施則師云言有其大欲等者則當決擇六心中第三覆  
弊謂為斷彼生起樂欲等者由發勤精進故雖數起惑而名不犯此



瑜伽師地論記卷第九

當彼六心中勤勞倦心也 論若諸至對皆無違犯 記曰第三於  
者長有德不起承迎延坐談論則師去此明法施又去懈怠忘念者  
施說善無訛心心能暫時不進義說懈怠忘念非隨煩惱故非深犯  
也無違犯中有遭重病等十句言或有違犯說正法者為欲將護說  
法者心者泰師云謂或有者長故來違犯說法法師為欲將護說法  
者心故不起迎 論若諸至請皆無違犯 記曰第四他施資具憍  
慢不受障他布施 論若諸至受皆無違犯 記曰第五他施重寶  
嫌恨不受亦障他施生色可染者金名生色以始終不變故銀名可  
染以可染變故或復知彼於施迷亂者謂彼不欲施但由迷亂錯行  
施等隨捨隨受者謂施主多樂施得財則施若隨捨則受施主由是  
定當貧賤故不受無犯 卑者或者此云高勝處 論若諸至與皆無



違犯 記曰第六慳法障法施不犯中有八句若依舊論第七句中  
開為三句若別有處說若彼鉢根聞深妙法生怖畏心若知聞已增  
長卻見若知聞已毀背退沒言或復知彼法至其手轉布非人等者  
非是法器故名非人舊論云向恩人說 論若諸至益皆無違犯  
記曰第七於破戒者棄捨不作饒益者障無畏施 論若諸至非亦  
違犯 記曰次明障戒七中初一遮罪共不共先明共學後明不共  
學少事少業少怖望住者舊論云少利少作少方便則解不能廣受  
擅越多施令生施福名為少事不能為人廣有所求名為少業不能  
損財廣攝衆生名少方便又解五篇戒中唯約三十事有同不同於  
中十一不同小學一從非親里居士乞衣二過知足取衣三過三返六  
嘿急切索衣四純黑卧具五純白卧具六減六年作卧具七不勝座  
具八受畜寶物九乞鉢十自乞纓使非親里織十一過前求雨衣過



前用除此十一餘皆是同雖有此釋而大小行別未可定判僑世耶  
衣者梵云僑世此云蠻西方無家生虫蠻唯有野生虫蠻虫蠻所出  
絲作衣名僑世耶衣舊云僑舍耶衣音訛也 論若諸至多生功德  
記曰第二七支性罪一向不共菩薩為物權行不犯若固守戒聞利  
物大行者亦名為犯此一段義舊論全無翻譯漏脫若以景師此文  
還屬戒六中初今尋文相亦可同景然以遮性不同故別取為一戒  
於中先於標後別釋此即初也 論謂如菩薩至生多功德 記曰  
測師云此中煞生掇大地菩薩說若八地已上於一切時恒入觀故  
唯有善心煞生七地已下有出入觀位故得無記心煞非地前位問  
地上菩薩不生地獄何故言我若斷彼惡眾生命當墮地獄耶解云  
此假設而論據實不生 論又如至生多功德 記曰盜罪有三皆

偷盜九 古

東



生功德尋文可知 論又如至行非梵行 記曰姪戒中出家菩薩  
一切不應行者在家得行出家菩薩為護世間誹謗重故制而不許  
論又如菩薩為至生多功德 記曰妄語中云為多有情解脫命難  
故說妄語問曰亦有菩薩為自命難雖不依止所知境說於妄語何  
獨為他耶故論通云雖諸菩薩為自命難亦不正知所知境界說於  
妄語然我今說為救有情知而思擇故說妄語語中後三如文可知  
論若諸至多生憂惱 記曰第三味邪命法生起詭詐誑現異相第  
四掉動第五起見立論令狀沮繫於諸煩惱不應厭怖第六菩薩自  
身能發他亦不信重言不護不雪第七應行楚罰利物加行不行為  
犯 論若諸至廣說如前 記曰次明障忍有四初釋打罵不能安  
忍第二於他有所侵犯或自不為被疑侵犯由慢不謝不雪第三他  
侵來謝不受名犯第四於他懷忿堅持不捨 論若諸至無所違犯



記曰次明障精進有三初一染心御衆第二懶惰懈怠耽樂睡眠第三染心談說虛度時日 論若諸至廣如前說 記曰次明障定有三初為憍慢不求禪法第二不除五蓋定障第三貪味靜慮 論若諸至作如是說 記曰次明障惠有八於中前五約法後三就人前五中初一起見立論不許學小 論若諸至非染違犯 記曰第二學大未精捨大學小基師去何故不去若於菩薩藏已精研究方學聲聞藏非是違犯也若曰以菩薩但有日分三時學未有於菩薩藏已精研究捨大學小義故於次下戒一時捲開無犯日分三時二分脩佛法一分學外論則小乘與外論俱下開中義等也 論若諸至則無違犯 記曰第三於佛教未精研究而精研學異論則外道論及諸外論則汎尔俗書 論若諸至是染違犯 記曰第四越菩薩法研求異道深心寶翫非如辛藥而習近之者景公去如為除病服



辛味藥則着辛味為識邪宗暫須披讀則愛邪論又辛味藥有除病  
用外道邪論無生智用又言非如辛藥而習近之基師云此外論狀  
同辛藥應厭背之不可近也是此中意 論若諸至然不誹謗 記  
曰第五聞菩薩藏諸佛神力不生信解憎背毀謗於中有二初明毀

第九

五

系

謗有犯後明強信無犯景師解云此後段文仍在第五基師云此中  
言菩薩名信佛語應自強信自知無患眼於如來所說不應生謗但  
知自無知不應誹謗推佛能知等是此中意也言如來密意語言者  
如密迹力士經說如來秘要有三謂身密口密意密廣說如彼 論  
若諸至是染違犯 記曰第六有愛有恚自讚毀他第七聞說正法  
論議決擇嫌恨不聽第八於說法師輕毀嗤笑 論若諸至無有違  
犯 記曰上來三十二輕障於六度攝善法戒自下有十一輕障於



四攝攝有情戒於中初二障同事次一障愛語次四障布施後四障利行前中初一不助事業次一不供疾病基師六若准前卷十一種相無問廣略已如前升今此中但是彼十一相初者謂於事業同助伴第二於苦為助伴此中不說第六虎狼師子等畏若依前卷無問廣略助伴合為第一樂事助伴第五明救師子等畏有二解一取如舊地持標十一相一二等名二解如此論略中解十一相為十一也會此不同者以與樂救苦事別所以此開開二前卷以同為助伴故說合此中以開助伴為二故不說師子等畏又則與失財相似不論彼悉約合助伴故所以別論師子等畏又下四十三與前略十一相同雖開助伴為二義只是第一若為二者則十二相非十一相問曰何故前三十二略戒中不論十一相此中以十一相屬之也義曰三十二略戒中以六波羅蜜攝故不以十一相屬今此十一相一一相



具六度故不同前三十二略戒三十二略戒義狹此中義寬 論又  
一切處至皆無違犯 記曰下總結無犯 論復次至不應違犯  
記曰上來摠是第一明從他正受竟自下第二專精守護由善清淨  
求學意樂者求受律儀戒心菩提意樂者求受攝善法戒心饒益已  
下求受攝有情戒心 論設有至還出還淨 記曰已下第三犯已  
能悔初略後廣一切違犯皆是惡作者景公云若輕若重皆可悔除  
皆名惡作測師云則是菩薩四十五輕罪五罪聚中第五惡作所攝  
也於語表義等者測師云謂是能解語者非聾盲等人大小雖異同  
是行人故得對之 論又諸菩薩至如前應知 記曰上來三段摠  
明從他正受竟又諸菩薩乃至若不會過下第二明自淨心受若依  
瓔珞經有三種受一佛菩薩在世親從受者名上品戒二佛去世後



瑜伽師地論記卷第九

從受菩薩戒凡夫受名中品戒三千里無人授要須多時悔除得好  
善相然後受名為下品戒所餘一切如前應知者如前受戒已啓白  
諸佛菩薩相現等事廣學戒相專精護持懺悔還淨廣說如前 論  
又於菩薩犯戒道中無無餘犯 記曰已下第二逐難重解於中初  
簡聲聞戒聲聞戒中若犯四重於現身中不可悔名無餘犯今明菩  
薩戒捨而還受故云無無餘犯朗法師云就前四他勝處法第一以  
貪犯第二以慳犯第三嗔犯第四邪見若邪見犯第四戒者不說上中  
下皆失菩薩戒若嗔犯第三戒上中品犯者則失下品不失若慳犯  
第二戒上品則失中下不失若貪三品犯第一戒者皆不失聲聞不  
尔故云菩薩無無餘犯一解聲聞戒中一切煩惱並犯戒故言無餘  
犯菩薩戒中起貪煩惱或犯不犯若利益有情貪不犯菩薩戒為自  
利益貪則犯菩薩戒若嗔煩惱為自為他並能犯戒嗔中上品失戒



下品不失貪三品犯不失戒 論如世尊說至可得成犯 記曰次  
明更受分齊多分應與瞋所起犯非貪所起者景公云起瞋犯戒起  
貪不犯若依舊論如世尊說菩薩起瞋煩惱犯應更受非貪欲起測  
師云問前說四他勝處法中貪犯亦失云何今云非貪若依舊論  
但言染犯失戒非貪是故前後相違今依新論既言多分在瞋則知  
貪犯亦失是故前後兩文不相違也言非非所作簡非瞋所起 論  
又諸至應當了知 記曰下明犯之堅重如攝事分應當了知者舊  
論中錯云如四攝品應當了知遠師云四攝品中分如此義不知為  
指何經四攝耶彼不知此論別有攝事分第九十九卷說 論如是  
至危苦而住 記曰上明依戒脩學如是菩薩依止一切自毗奈耶  
下第二明學戒勝利得三圓滿 論如是略廣至應當了知 記曰  
已下大文第三結前生後如是略宣說者結上在家出家戒文如是



九第卷記論地師伽瑜

廣宣說者結上廣明三聚戒文

論本卷第四十二

論云何

菩薩至第三難行戒

記曰難行戒有三第三中准舊論則有三一

切一一切脩行二一切住定三一切憶念

論云何至恒相續轉

記曰一切門戒有四一正受戒則從他正受及自淨心受二本性戒  
謂十信已前由性種力所起身語恒清淨轉三甲習戒則入十信已  
去習種姓中所有自利戒躰四方便相應戒則四攝事利他戒也

偷疏九

十七

論云何至如法悔除

記曰善士戒五種如文

論云何至異熟戒

兼

記曰一切種戒中尸羅莊嚴如聲聞地者舊人未知十七地中自有  
聲聞地所弁莊嚴之事謂言別指小乘部中聲聞地說止息戒等七  
者景公云初是律儀戒二轉作戒則攝善攝生二聚戒也三防護戒  
則總結前二以為第三後四是果第四大士相異熟戒則三聚戒得



三十二相第五增上心異熟戒則三聚戒得上二界果第六可愛趣  
異熟戒則前三聚戒得欲界人天果第七利有情異熟戒者此當利  
他戒果泰師云上息戒是止持轉作戒是作持轉名為起有所起作  
名轉作戒測師云增上心異熟戒者謂定共戒能感色無色界異熟  
果利有情異熟戒者謂感八報殊勝果攝利有情 論云何至遂求  
戒 記曰遂求戒者舊名息苦戒此有八種謂身語七不善業道及  
手塊杖等煞之方便以為第八基師云問此中何故不論意三業也  
義曰若取意三添身口七則為十若十者不成增數門是以不取前  
一切種門有六種七種後二世樂有九門今此遂求戒乘上來合增  
為八故不取後意三以成十種也又前七所發身口不離後三能發  
能發身口必由後三故不論也若尔豈無別起後三耶義曰雖有隱  
不說攝在能發前七中故不說也 論云何至他世樂戒 記曰二



九第卷記論地師伽瑜

世樂戒中景公云遮止是律儀戒開許是攝善戒攝受調伏是饒宥  
情戒無過者應攝受有過者應調伏此之四種總是戒度餘五度俱  
行戒為後五種因戒得定名現樂後得菩提名後樂基師云則遮止  
開許攝受調伏為四不取身口二業也及五度不論戒度此九則戒  
度故也測師云初分戒為四後五度為五合為九種前四中前二自  
行後二利他亦可前二就法分別惡法則止善法則開後之二門對  
人分別善者則攝惡者則伏此四是別解脫戒後五中靜慮俱行是  
定共戒惠俱行是道共戒施忍精進三俱行亦是別解脫隨行攝  
論云何至清淨戒 記曰清淨戒有十景公云初一是受第十明持  
中間八種明離戒障言不太沉及不太舉者由太沉故違犯於戒設  
生慙愧亦復微薄今遠離之由太舉故非應悔處而生悔愧故今亦  
遠離泰法師云不太沉舉者菩薩若犯戒時起增上慙愧也又有人



實不犯戒極生悔愧名非處悔愧是太舉心菩薩亦離也基法師云

倫義九 六

秉

十相如地持此中第二彼開為二太沉為一太舉為一攝此第六軌則第七淨命為一其實軌則淨命義別不可為一太沉太舉義等不可為二彼之謬也此第二中太舉或言非處者謂持戒太過遂持非處可持之處名處過此可持不可持處為非處若太舉過此至非處可生悔愧也測師云如下七十五卷決擇云復次前品中已說十種尸羅清淨當知初一是意樂清淨餘九是加行清淨於加行中復有五種一無間缺加行二遍脩加行三迴向加行四助伴加行五守護加行第二第三為初加行第四為第二加行第五為第三加行第六第七第八第九為第四加行第十為第五加行其第二第三明無間加行中前一明離沉舉以明無間加行後一離懈怠等明無間加行



言太沉等者明離小犯生於悔愧妨利他行太舉等者於非戒處浪  
生悔愧如外道雞猪戒等言如前所說五支不放逸者指前戒品初  
持謂三際俱行及先時所作俱時隨行不放逸行後攝事分亦明之  
若依舊論第六第七合之為一今開為二第二第三合為第二准決  
擇無間缺加行及助伴加行得知舊論開合者錯也 論如是菩薩  
至戒成其性 記曰上來解九門淨戒訖下第二明戒勝利於中初  
明大尸羅戒當得菩提二明未成佛來得五勝利五中初二現世勝  
利第三第四後世勝利第五通現後勝利 論如是如上至成熟有  
情 記曰自下第三明戒所作於中初攝九為三次明三聚各有所  
作後明攝所作盡去律儀戒能安住心者因戒得定名安住心 論  
如是菩薩至若過若增 記曰品中大段有三前二已訖第三結中  
去唯有尔所菩薩淨戒者牒前九門唯有尔所淨戒勝利者牒第二



門唯有所淨戒所作者牒第三門除此無有過增者明攝周盡結  
無增減 論過去至今於中學 記曰已下結前諸戒三世菩薩皆

同脩學

論本地分中至忍品 記曰對境情安名之為忍此

品廣明故云忍品 論云何至忍之自性 記曰文中初問次釋後

結歎功能釋中有二初開九章二依章釋自性中云或思擇力為所  
依止等者景公云乃至堪忍怨害者他不饒益忍躰此對一切苦具  
能忍故云遍於一切對一切怨家等人能忍故云普於一切以此文  
勢偏解他不饒益忍亦可思擇力等明他不饒益忍遍於一切已下

倫覽九 十九

秉

明安受苦忍普於一切已下明思惟勝解忍言由無染心者無恚善  
根也純悲愍故者衆生緣悲也看此後文順於前解泰述四釋一云  
思惠忍名思擇力脩惠忍名自性以脩惠自性能堪忍故二云地前



瑜伽師地論記卷第九

忍名思擇力由作意故地上忍名自性忍任運起故三玄初學忍名思擇力久學成名自性忍前忍遍一切皆能忍後忍普於一切皆能忍又釋遍一切衆生皆能忍普於一切事皆能忍一衆生中有多事謂或打或罵等事非一故也基師云堅通三界名遍忍橫潤四生是普忍又揔通有情是遍忍忍通怨親是普忍如是無量分別由無染心純悲愍故者依地持無染心則無貪以忍依無貪及悲心号心忍今無染心染心則貪亦得又則嗔亦得測師云思擇力為依者明其忍因或由自性等者對緣正出自性忍躰於中初正出忍躰遍於一切等者對有情能忍後普於一切等者對法能忍由無染心純悲愍故能忍者釋成忍義由貪染愛已身逢違則忿故依無染能有堪忍由嗔無悲憐物遇違便怒故依悲愍能有堪忍 論云何至三法思勝解忍 記曰一切忍中初徵次釋後結前開後釋中有二初約人



分二後約境開三於中先約二開三後依章別釋前中一耐他怨害  
忍景公云用無恚及衆生緣悲為性測師云用無嗔及惠為性二安受  
衆苦忍用精進及惠二數為性三法思勝解忍景公云用智惠無緣  
大悲為性測師云用定惠二數為性 論云何至現在前時 記曰  
依章釋中初釋耐他怨害忍文分有三初問次解後結解中有三初  
舉忍境次應如是學下對境脩忍後云何名忍下釋忍義初云猛利  
者是意苦無間者是相續苦種種者是多苦長時者是久遠苦從他  
所生衆苦現前者則前四在現前逼迫 論應如是學至而生不忍  
記曰下對境脩忍中有二先脩三觀後脩五想言三觀者一自推徃  
業觀二諸行性苦觀三以小況大觀言於性苦上更增其苦者一切  
有漏法以行苦為性則此性苦上更增苦苦壞苦故云也 論菩薩  
如是至悉能堪忍 記曰就五想中初結前略標後第二廣釋親教



瑜伽師地論記卷第九

軌範尊似尊等者和上名親教師闍梨名軌範師大同學及有德人  
名尊是此下類名似尊無常想中云諸有有情若生若長者基師云  
生謂化生類增長故長謂餘三生漸增長故今解初生長大終歸於  
死 論云何名忍至耐忍害忍 記曰釋名中景公云自無憤勃不  
報他怨者於忍能忍也亦不隨眠流注恒續者設暫起嗔不久相續  
測師云自無憤等明無上心亦不隨眠等明種子斷 論云何至是  
名菩薩安受衆苦 記曰次釋安受苦忍文分有三初問次釋後結  
解中有三初舉昔說今揔標能忍二云何下廣釋一切事苦三又諸  
菩薩雖觸衆苦下揔嘆顯勝就廣釋中初列八苦後次第釋依謂四  
依則是真掃衣常乞食塚間樹下座病緣塵弃藥等是也則此四種  
名為什物世法處苦有九中前四是八世法中四也則違緣合故苦



此中不論利等四者以是可欣非苦相故後五則愛法離故生苦泰  
師云壞法壞等者於可壞法壞時生苦於可盡法盡時生苦乃至可  
死法死時生苦如是八法一時遇緣名若揔緣一一而會名若別也  
景公云壞盡者是外資具住處田園林屋宇衣服壞盡名依止處苦  
老病死者內報壞苦基師云壞法壞者且謂諸欲法性是壞法而至  
壞時名壞法壞盡法盡者謂諸欲法躰至盡無時為盡法盡故前壞法  
由有質今盡法盡無質老法等准知問曰若尔盡法盡與死法死  
壞法壞與病法病何別義曰一是外法一是內法所以別也攝法七  
中景公云前五是有聞惠小乘說受持經論是生得惠大乘則聞惠心  
受持三藏第六是思惠第七是脩惠利他處苦十一如前者謂助伴  
等十一種事 論云何至勝解忍 記曰下釋法思勝解忍初明八  
種生勝解處後明由二因緣忍得安立前中云於一切法能正思擇



瑜伽師地論記卷第九

者明脩觀之始由善觀察等者明脩觀終成下出境躰若依舊論不  
置一二等數是以舊人三寶開為三因果合為一不數一切所知所  
應行處為別一頌為成八也今此八數如上力種姓品廣說但彼所  
列數之次第與此少異彼處第二是威力第三是真實義此威力為  
第三實義為第二餘文可知由二因緣一長時串習故者力姓品云  
多時勝解故二證善淨智故者力姓品云積集猛利忍故 論如是  
至諸相差別 記曰結也 論云何菩薩難行忍至慰意慶喜 記  
曰難行一切門可知善士忍中若遠師云謂諸菩薩乃至天世界中  
為一見勝利已下為二勸他下為三讚忍為四見能行忍下為五景  
泰同之測師云文分有三初揔明見忍勝利二謂能堪忍下正明五  
忍三見勝利下明勝利所作言五忍者初於當來世無多怨敵為一

倫疏九

三

秉



無多乖離為二有多喜樂為三臨終無悔為四於身壞後等為五善  
戒經中說一者不着惡知填心乃至五者死已受天人樂第三明勝  
利所作中有四句初是自利後三是利他今依後釋則依見五利故  
生忍名為五忍 論云何至惡意樂故 記曰一切種忍中六種七  
種云何六種一非愛異熟怖故行忍二愍諸有情親善行忍三於無  
上菩提起猛利心圓滿忍處而能行忍四出家法受忍由法受故者  
基師云謂為欲受法故正行五已串習今安住忍六知法無戲論忍  
云何七種一不饒益忍則耐他怨害忍二從一切忍則安受苦忍也  
此之兩種對境分別三一切處忍四一切時忍此二時處分別五身  
忍六語忍七意忍此三則三業分別前六自分行後七勝進行總十  
三種 論云何至名遂求忍 記曰遂求忍中先解八種名遂求忍  
後釋忍名義八中測師云前三是耐他怨害忍除自惱後五是安受



九第卷記論地師伽瑜

苦忍除自他惱前中於諸有苦來求索者要逼能忍者善戒經云貧窮之人數從菩薩乞索依法大悲不損惱忍者由依教法及依大悲故能忍也謂能堪耐除遣有苦有情衆苦所有勤苦者由彼有情有衆苦故菩薩化彼生於疲倦能忍受也若於有情有損惱者由忍故離者舊論云衆生所患堪忍為除若於有情是所求者由忍故與者舊論云所可乏少堪忍饒益 論六何至他世樂忍 記曰此世他世樂忍中有九者測師云舊論師生老病死則四寒熱飢渴合為一除前不放逸故有九種今解不然初住不放逸為一於諸善法為二餘句可知又解住不放逸者是搃句若身若心則分為二餘句可知景基同後釋則於善能忍為第一次寒熱二飢渴三蚊虻四風日五地蝸六身劬勞七心劬勞八生老等九 論云何至清淨無垢 記曰九清淨忍中有十者謂諸菩薩乃至終不返報為一亦不意憤二亦無



怨懣三意樂相續乃至非一益已捨而不益四於有怨者自往悔謝  
五終不令他乃至纔謝便受六於不堪忍成就增上猛利慙愧七依  
於堪忍乃至猛利敬愛八依不損惱乃至愛樂九一切不忍下十准  
舊地持中置一二等數景公云一切不忍者嗔恚也并助伴法者與  
嗔俱生身語業等測法師云并助伴法者與嗔相應心心數法及損

論第九

三

乘

塵等法皆得斷故離欲界欲者由前九種思擇忍為因所生第十脩  
習力忍故能斷欲界煩惱欲入靜慮地七十五說復次忍波羅蜜多  
十清淨中略有二種清淨謂前九種名思擇力清淨其第十種名脩  
習力清淨思擇力清淨復有四種一遠離罪生清淨二彼不現行清  
淨三無罪生清淨四遠離彼因緣清淨一種二種三種三種如其次  
第論當知此中正等菩提記曰下第三結嘆功能



論本地分中至精進品第十二 記曰策勵勤脩名精進則用善位  
勤數為弊此中廣明故名精進品 論云何菩薩至精進自性 記  
曰科文准前解自性中測師云言其心勇悍堪能者則是下探甲精  
進攝受無量善法者則是下攝善法利益安樂一切有情者則是下  
饒益有情今判其心勇悍是下探甲堪能攝受善法是下攝善 論  
云何至彼此差別 記曰一切精進中先開列後別釋探甲中云其  
心勇悍等下有四句初明其心勇悍二若我為脫一有情苦者明所  
為故對法云所為寂勝為利益安樂一切有情故三以千大劫乃至  
亦無退屈者明長時故對法云長時寂勝經三大劫阿僧企耶所積  
集故四於求無上正等菩提下明其迴向故對法云無盡寂勝由迴  
向大菩提究竟無盡故攝善中云謂諸菩薩所有精進等者地前能  
為六度加行後能辦地上六波羅蜜多略有七種者速法師云然此



七種行實同時隨相以分非無階降初三種姓行位次一勝解行次  
一初地次一在於二地已上後一在於八地已上言一切分別種種  
分別者如對法種種分別是十散動一切分別則散動次前解心言  
方便相應精進乃至平等通達故者泰師云無上菩提是行應得義  
十地已還名無顛倒道也 論云何至能攝之因 記曰難行精進  
中有三者測師云初無間脩次長時脩後無餘脩尊重一種義符前  
三 論云何至聞思脩惠 記曰一切門四中初二對是四正勤次  
二對明脩勝利由斷二染三業淨因脩兩善三惠增 論云何至速  
進趣故 記曰善士中云不捨一切欲加行者不捨廣大欲次有善  
皆脩 論云何至一切種精進 記曰一切種中六種七種六中測  
師云名雖有六攝為三對初無間脩殷重脩以為一對次二先因現  
起以為一對後二自分勝進以為一對無動中二對弁不動一不為



瑜伽師地論記卷第九

現在衆苦所動故名不動二菩薩所脩精進不轉成餘二乘三有性  
分故不動基師云所以說言有勢有勤等六屬前六種者謂有堅有  
猛添餘四有六種也七種中測公云初六是轉後一是還前六中初  
一是擇甲次四是攝善後一是饒益利他精進十一相指同饒益有  
情精進說 論菩薩所有至精進勇悍 記曰八九二也 論云何  
至大菩提精進 記曰清淨精進中有十種如安擇七十五卷說復  
次精進波羅蜜多有十清淨一安處清淨二純熟三策發四方便五  
不虛時住六不艱辛住七出離八攝受助伴九速疾神通十無蓋性  
清淨始業初業者基師云始業初業則初發心前明五停心觀等是  
測師云種種解脫分善根名為始業五停心觀名為初業於其種種止  
舉捨相入住出相者如前三摩呬多地說言能善了知等者舊論唯



有二句謂常善觀察不妄分別今依此文有其三句一能善了知者能知入相能無忘失者不忘住相能善通達者通達出相言無間脩作殷重脩作者舊論無此如三摩呬多地說無間作者謂一切時無間無斷相續而轉殷重作意者謂不慢緩加行方便言聞說種種寂極廣大者是盡所有性則俗諦境寂極甚深者是如所有性則勝義諦境不思成前俗境不度成勝義境 論如是至當證今證 記曰結也 論本卷第四十三 論本地分中至靜慮品第十三 記曰如對法其心純善繫心一境故名靜慮此品廣明故云靜慮品論云何菩薩至靜慮自性 記曰科文准前解自性中於菩薩藏間思為先者脩定方便所有妙善者簡別味定世出世者有漏名世間無漏名出世又無漏中緣世諦者名世間緣真諦者名出世心一境性者出靜慮躰心正安住者釋靜慮義或奢摩他品等者景公云於



瑜伽師地論記卷第九

正脩習定勢偏多或智惠偏增此據同聚出幹以四支五支皆名定  
故言雙運道俱通二品者定惠均平二品俱轉基師云此中何故言  
毗鉢舍那耶景師云汎舉也意取奢摩他又義曰此中不然今此中  
皆有品言若在定時同時品中非無有惠餘心心法等若在觀品同  
時非無定餘心心法等但以隨增說為定品觀品據實當時恒兼定  
惠等單句既尔俱句俱非亦然側師云此四句則四種正脩一奢摩  
他品二毗鉢舍那品三能雙運道四俱通二品則此所明與上力種

論疏九

二四

乘

姓品所說四種正脩同彼云一者奢摩他二者毗鉢舍那三者奢摩  
他毗鉢舍那四樂脩習奢摩他毗鉢舍那乃至廣說 論云何至若  
過若增 記曰一切靜慮中初就住分二後約行分三側師云言遠  
離一切分別等者離見惑故身心輕安遠離憍舉等者離脩惑故泯



一切相次解引等持中初明不共德後明共二乘德後解饒益有情  
十一相中基師云此中同前解戒中略十一相以事業同伴能為救  
苦合為第一故下第十與第十一別故十是調伏第十一現通故與  
略戒十一相同已如前四十四一二卷會之 論云何至難行靜  
慮 記曰難行靜慮中有三難行第一難行者謂菩薩已得引發神  
通極善成熟靜慮應生上界為利有情故還生欲界是為難行此中  
意也景公云此不起煩惱但種子潤生起惑潤生此亦無損以七地  
已來皆有益益須起功能尔時則起 論云何菩薩一切門至俱行  
靜慮 記曰一切門可知善士靜慮有五 一者無愛味靜慮者謂有  
漏淨及無漏靜慮也或後得智唯取無漏者據勝而論 論云何至  
一切種靜慮 記曰一切種中云二者無記變化靜慮者謂菩薩若  
戲故現通此唯無記謂若攝化故現通此唯是善如決擇及雜集



說名義緣者以脩惠中亦緣似法及似義故然理門論等云現量不  
緣名等者據散心現量說入定之心緣名義皆是現量是故集論云  
一切定心皆是現量 論云何至造作靜慮 記曰造求中云一者  
於諸毒藥乃至能息能成呪術所依靜慮者菩薩依定能息諸毒藥  
乃至災患亦能成也 論云何菩薩此至清淨靜慮 記曰第八可  
知清淨靜慮中第六與第七何別基師云第六順入住出自在第七  
逆入住出自在故有別也景公云九者離一切見趣者離見惑也十  
者一切煩惱所知障淨者離脩惑也測師云一清淨清淨二無漏清  
淨三根本脩方便清淨四證得根本清淨五自在方便清淨六住自  
在清淨七引發神通自在清淨八成就有情自在清淨九降伏外道  
自在清淨十無上障除清淨 論如是至當證今證 記曰結也  
漏本地分中至惠品第十四 記曰梵云般若此名為惠當第六度



梵云若那此名為智當第十度前明定品心專一境專一境故惠得  
照明故次弁惠此中廣明故曰惠品 論云何至惠之自性 記曰

僧錄九

三五

系

解自性中景基等云謂能悟入一切所知者則無分別智及已悟入  
一切所知簡擇諸法等是後得智泰師云自性惠有二用一能悟入  
一切所知境二悟入已於所知境中應更簡擇普緣一切五明處而  
簡擇也測師云此中初明緣真惠二普緣下明緣俗惠准上應有攝  
生惠性略而不論亦可利生隨緣更無別性言悟入一切所知者謂  
加行正證二智及已悟入下明緣理後得智或可前是加行後是正  
證後得言悟入一切所知簡擇諸法者簡擇一切諸法圓成實性非  
謂簡擇依他起性名簡擇也普緣一切下明緣俗智如前力種姓品  
說 論云何至有情惠 記曰一切惠中云於離言說法無我性者



此舉真智之境或於真諦將欲覺悟者則加行智正覺悟者則正躰  
智覺悟已後所有妙惠者是後得智寂勝寂靜明了現前無有分別  
下明前三惠行相入大捺相者謂真如是捺相又二無我是捺相也  
基師問曰何故此言有漏加行智耶義曰前明世間出世間有三種  
故此中通有漏加行智第二惠中基師云若真行相唯無漏後得智  
若通而言有漏種類後智亦有若據性而言如三解脫門義說無分  
別亦有今取通有漏無漏者好如前加行智難釋言八處者謂五明  
處及三性法也此惠品上下皆以加行等三智配攝之 論云何至  
寂難行惠 記曰難行惠三者一明證理甚深以明難二能知有情  
調化方便以明難三約智境無礙以明難 論云何至無量惠 記  
曰一切門惠有四者一聞所成惠二思所成惠三應作而作不應作  
而思惠四師云此則思所成有漏脩惠四明由脩所生無漏脩惠



論云何至所攝受故

記曰善士惠有五者景公云前三則是三惠

第四則法應知謂知因果智五捨煩惱惠則證理惠泰法師云第四  
謂諸法自性名諸法法住諸法差別名法安立於諸法自性差別中  
無顛倒惠也基師云法謂果法果法住在因法中故言住法也測述  
兩釋一云知十二緣生中因果智一云法有二種一謂一切有無五  
位等諸自相各住其性二謂有法上種種差別謂色等上有常無常  
可見不可見等差別義言於諸法法住者緣法自相智法安立者緣  
法差別智復有異門等者景公云一知知所有二知盡所有此之二  
句論釋有二一如對法揅舉世諦事法皆盡名盡所有性則彼事法

論云

有多義門有漏無漏有對無對等種種義門名如所有性第二直就  
真諦理中以弁二種如次第九情淨門說謂一味真如名如所有性



九第卷記論地師伽瑜

如此真如則攝諸法如盡名盡所有性一微細惠悟入所知如所有性緣理故二周徧惠悟入所知盡所有性緣事故亦可皆云真如及四諦十六諦等名如所有性緣生蘊界處等一切事法名盡所有性此如對法及瑜伽上下大有此文三俱生惠等者自性念生智菩薩得故非生處得智餘趣得故四具教惠五具證惠則脩惠測師云前五聞思及脩法證分別後五境因具教位地分別後五中初二境一微細惠悟入所知如所有性故等依真諦三藏云如理智名如所有性如量智名盡所有性今解皆通二智言如所有性者稱法而知諸法自性盡所有性者於理及事分量盡知是諸法差別如是二種皆有三句一唯緣於理有其二種二唯緣於事亦有二種三理事合緣亦有二種若准下文偏約緣理分其二種也言俱生惠宿智等者由前生數習智力故於現身中任運智生名俱生惠具教惠等者能



受聞義智故名具教惠具證惠者初地已上所有智惠如文 論云  
何至正道理智 記曰一切種惠中六種七種六中四諦據在學地  
盡無生在無學七中法智類智義有種種不同瑜伽說緣下界名法  
上界名類成實說緣現名法緣過未名類不以對法緣理名法智緣  
能緣智名類此緣自類名類如對法九心見道中說或初念名法後  
念已去同緣初念家境名類如對法三心見道中說前二心是法第  
三是類世俗智者則色等智神通則他心智相智則盡智謂我生已  
盡梵行已立無學初相名為相智十力前行智者則無生智有無生  
智者根性寡利能得十力名十力前行相四道理中正道理智者則  
四諦智也於四諦理中正道理智也泰師云知諸法相名相智十力  
前方便智名十力前行智舊遠師云前三如上神通智者六神通智  
相智者是法智相也十力方便是十力因亦可用巧故名方便事具



足智者四無畏智舊論云事具足今云四道理智基師云六中何故不言餘智以此六門作法故若取餘智則數增之故不說也又因果門因中四智攝智周故果中二智攝智周故又因位約諦故唯四諦行智果位通論故據二智攝說智盡之七種智前不明取相之智則

論九 二十七

系

盡智十力前行智則無生智若尔何故前四諦智此不取有人云相智為緣三十二相智十力前行智則欲起十力時方便之智今釋云若據實而論法類二智則四諦智今以十智各別相論則非前四諦智餘智可知相智者謂緣諸法相智或緣一切法解相之智名相智十力前行同前釋 論云何至慶慰惠 記曰遂求可知二世樂惠中有九者五明慶惠為五則依此五於他愚癡放逸怯弱勤脩正行復四如其次第於愚示現於放逸教導於怯弱讚勵於勤行慶慰基



師云內明一種菩薩所行所證所為之惠是善安住餘四不然非所  
安住測師云初五明知法差別後四化益差別後四為化愚癡等四  
有情故如次示現教導讚勵慶慰則是餘經中所說示教利喜也又  
如戒品說所化有情有四差別一於無德善人隨順心轉則當此中  
讚估弱有情二於有德善人讚揚實德當此慶慰勤脩正行有情三  
於有過軟性有情調伏駭損當此教導放逸有情四於有過剛強惡  
人神力制伏當此示現愚癡有情 論云何至寂勝淨惠 記曰清  
淨惠中五對十種景公云言於真實義有二種惠謂盡所有性及如  
所有性取真實義者此於如中義說為二泰師云於真如理有二種  
惠知真如自性名盡所有性知真如實際法界等差別門名如所有  
性謂如差別所有也基師云若自性緣一味真如是如所有性若十  
六行緣差別真如是盡所有性因為一果為一為流轉二也生死統



九第卷記論地師伽瑜

轉惠執常等倒為一執無常等不倒為一為執受二也方便二准知  
究竟中二者與倒何別義曰彼約其四倒此約一切諸惑測師云如  
此擇說復次惠波羅蜜多有五清淨一通達諸相清淨二通達緣起  
清淨三通達教導清淨四通達士用清淨五通達證得清淨如次則  
當此中五對義也 論如是至正等菩提 記曰結也 論復次至  
亦當了知 記曰上来自利行有三段中前二已訖復次已下第三  
結結六種引證歎勝文分為二初引經證成二異名結歎前中復二  
初明六度是佛所說令他生信二又諸如來下明此六度是佛因中  
本所脩習令人喻脩前中復二初結引佛說後別列六度九門言復  
次如是六度乃至了知者三藏古勘善戒經初有如是是我聞三紙許  
經似是佛說三紙已後並是地持更無差別疑初三紙翻譯之人不



解方音翻為經也其實但是弥勒所造謂若是佛說善戒者此則佛於善戒中一處專說六度不應此瑜伽更說此之六度處處散說弥勒後時攝在一處言趣入攝受者謂於此九門趣入何門隨義攝受論又諸如來至皆應了知 記曰次明六度是佛本脩於中有二初總明苦行依止六度二或唯依施下別明苦行依止差別此中意者謂如來本為菩薩時所行苦行捨身等當知一切與施行相應菩薩依止於施故行苦行或時示現但行一度或二或三乃至五六 論如是六種至正等菩提 記曰下第二異名結歎於中有三初明脩所為二是大白法湏等顯六度異名言是大白法湏者一切白法中最為大故名大法海者一切白法皆攝入中不離此六故大寶泉池者涌生功德無窮盡故第三又即如是下明果攝因 論本地分中至攝事品第十五記曰自利之行推前六度自利既滿須有利人故次明攝事攝謂攝授



瑜伽師地論記卷第九

攝授有情此中廣明名為攝品前於施品已明施訖此中唯明三攝事  
問若尔三攝事以惠為躰何故更明義曰不然一布施前已廣明三攝  
事雖惠攝前未廣明故今弁之 論云何至愛語自性 記曰文中初  
以頌長行總開九章後別釋三攝事初解愛語以九門解自性中景測  
云悅意語者不麤惡語諦語者是不妄語法語者不離間語引攝義  
語者是不綺語基師云可意語謂不離間語諦語謂不妄語法語謂  
不麤惡語引攝義語謂不綺語又未必配之但隨一一皆有此四  
論云何至正法教語 記曰一切愛語中初明三種後攝三為二隨  
世儀轉順都人性者泰公云隨順在朝都邑仕人性不順田野人性  
也其所昌盛而不自知如應覺悟以申慶悅者衆生有昌盛事未自  
覺知慶慰而告 論云何至難行愛語 記曰難行愛語有三第一  
則以能煞一切人者是怨家惡友能攝益之餘可知 論云何至論



義決攝 記曰一切門中一欲斷諸蓋向善趣者為說先時所應作法者景公云人天善業無始世來數數曾得名說先時所應作法泰師云菩薩化物欲令證大涅槃不可直為說道故先為人天足行行人天足行名先所應作法也基師云令入佛法先說五停心觀取先所應作法也 論云何至名有神變 記曰善士愛語中云得處有因制立學處者景公云毗尼中依有所犯得罪處制立學處基法師

論疏九

二五九

東字号

云則毗奈耶因事制戒也若所說法四依所攝施設無倒法律正行者景基同云如說常乞食真掃衣樹下坐樂斷樂脩依此四事而脩行道故名四依泰師云依法不依人等四依所攝也今又解云四依者一真掃衣二乞食三樹下坐四腐爛藥能正顯示出一切苦不退還行是故此法名有勇決者景公云為說見脩二道出苦之行名不



瑜伽師地論記卷第九

退還三神變者神通輪記心輪教誡輪也 論云何至一切種愛語  
記曰一切種愛語中六種七種六中初二則是開遮後四則說無礙  
解境法義詞辯如其次第七中景公云初一慰喻語第二慶悅語下  
就勝益語中分為後五五中初一教示於他資具少欲廣恣愛語次  
一無畏施語次一法施後二可解測師云七中初二同事中語次三  
布施語下二利行語施中初一財施次一無畏後一法施 論云何  
至知言不知 記曰遂求中四則離離間語等四過八種實語名八  
聖語泰師云言依四淨語起八聖語者實見謂見他問言見實不見  
謂不見他問言不見此二是想境俱相稱實不見謂見他問言見實  
見謂不見他問言不見此二是順想違境此四是其聖語言非聖語  
者實見謂不見他問言見實不見謂見他問言不見此二是順境違  
想實見謂見他問言不見實不見謂不見他問言見此二是境想俱



相違此四是其凡語基法師云逐末有八者謂不取四淨取後見等  
八也 論云何至圓滿愛語 記曰二世樂有九初五除難後四讚  
善前中景公云初三無畏施四說正法斷淨戒難者除彼外道所行苦  
行戒法五除邪見是也泰師云第四第五邪戒邪見淨戒正見之現  
難求生感三塗衆苦菩薩說聖語為除斷也測師云初三除異熟難  
次一除惡業難後一除煩惱難第八軌則如聲聞地 論云何至力  
種姓品 記曰清淨有二十種如前力種姓品者彼說有二一依隨  
順說有十五二依清淨說有五合成二十如彼廣說 論云何菩薩  
利行至故名利行 記曰上來已明愛語自下明利行於中例指廣  
說如愛語中次弁差別後還依九門略以分別次者謂諸菩薩乃至  
故名利行者景公云愛語汎說理教果法今利行中隨機正授三垂  
之行令其脩習名為利行故與愛語為別測師云前直說法今將此



法觀物起脩名餘差別也 論云何至利行自性 記曰自性中云

論第九 三十卷字號

由彼愛語為諸有情示現正理者明利行所依法則是愛語說種種  
法示其正理隨其所應等者正明利行量根所置偏指一門令如說  
行如是行中安住悲心者明起行因無愛染心者明除利行障勸導  
等分別利行相 論云何至而般涅槃 記曰一切利行中云未成  
熟已成熟者測師云若依大乘未入三祇耶前名未成熟若入祇耶  
之始已去名已成熟亦如三十七卷中明三品成熟於現法利勸導  
利行者謂正勸導以法業德招集守護等者景公云教學作金銀法  
或種植等法名法也業者教作工巧等業德者教脩學道德由有法  
業德廣招集財得大名稱及現法樂泰師云或由傳教法等或由精  
進事業等或由道德等能招集名稱及利益守護增長資財之位名



現樂也基師云法謂如法不以邪命而得財業謂商主等事業而得財德謂道德有道故得財他供養者是於後法利勸導利行者謂正勸導等者測法師云現在後樂後決定故名為後利現報不定故不明現 論云何至憎背執故 記曰難行利行中云彼於廣大極放逸迹極放逸處耽着轉故者泰師云謂放逸之人所履迹所依停止之處也測師云園林鴈射往還之處名放逸迹樓觀殿堂栖宿之所名放逸處意大同之 論云何至乃至建立 記曰一切門利行則於七聖財中略取其四也 論云何至慈心勸導 記曰善士中有五者則是律中所明舉罪五德也聲聞地有文 論云何至而正安處 記曰一切種七中景公云初五是行後二是果安處一分所化有情者簡取三乘種姓故名一分於善資糧守護長養等者三乘道前七方便行摠是資糧或依小乘出離或依大乘出離出離方便亦



瑜伽師地論記卷第九

名出離如合所化於善資糧守護長養彼地戒行如是或於下類釋  
見脩離障攝善獎法師云或於遠離者見道離障行或於心一境性  
者見道攝善行也或於清淨諸障者脩道離過行也或於脩習作意  
正安處之者脩道中攝善行也後二約果即大小別分所以為異泰  
師云言或於遠離者阿蘭若處等或於心一境性者正脩定也或於  
清淨諸障者或依定斷惑也或於脩作意者依定脩七作意也基師  
云言七種者依二乘出離第一遠師云是聞惠也以財等長養攝入  
聞惠遠離是思惠也第三止第四觀第五捨餘二大小根別今准不

倫疏九 三十二重字号

然依二乘出離第一則依二乘之教方便令出離此約隨一乘一分  
善增二者遠離謂或遠離一分惑等又於望遠離自乘惑等三於心  
一境性得定四清淨諸障得惠前遠離者於言離惑不言得惠財等



五脩習作意正安處之謂脩道中作意或一切作意而安處之第六  
第七既安處已得自乘果 論云何至今離彼纏 記曰遠求有八  
者景公云此中但弁有八纏略不明忿覆舊名除惱則順此文除他  
纏故基師云何以唯此八者謂障三學等故無慙無愧二障戒昏沉  
睡眠二障定或惠掉舉惡作二障惠或定嫉慳二捨障三學故不說  
餘或可是八纏測師云攝八為四謂無慙愧為戒障昏眠為定障掉  
悔為惠障嫉慳二捨障三學為同法者展轉受用財法障故八十九  
卷云復次一切煩惱皆有其經由現行者悉名纏故然有八種諸隨  
煩惱於四時中數數現行是故唯立八種為纏謂於脩學增上戒時  
無慙無愧數數現行能為障礙若於脩學增上心時昏沉睡眠數數  
現行能為障礙若於脩學增上惠時簡擇法故掉舉惡作數數現行  
能為障礙若同法者展轉受用財及法時嫉妬慳恡數數現行能為



瑜伽師地論記卷第九

障礙 論云何至嗔恚邪見 記曰二世樂有九中初三身業不煞  
不盜不邪淫第四不飲酒名依舊論但言一切種不飲酒今云一切  
寧羅若者具米酒迷疑耶者景基同云藥酒泰測等云是甘蔗等根  
莖枝葉酒未施者此云蒲桃酒次口離四過外意三是本摠合為一  
足前為九 論云何至清淨利行 記曰清淨利行有十依外有五  
依內有五謂依有情外緣而起名外清淨依自內悲起利衆生行名  
內清淨若依善戒經說前五就所化離過名外淨化功歸已故名內  
淨後五就四無量心宗為利他名外化時化心無染名內未知善戒  
經錯不謂諸菩薩於諸有情雜惡行者等者若依舊論唯有前三聞  
無第四雜染行句景公云此四句中前二在家雜惡行者雜善行惡  
先惡行者凡有所作以惡為先下二出家一身有諸罪二心 有雜染  
泰師云於諸有情雜惡行者先作惡後脩善也有罪行者遮罪也是



罪非染故雜染行者性罪也基師云或先時以成造惡者名先惡行者測師云有罪行者於善無記心犯所受戒如在學位犯罪雜染行者則雜染犯罪也又云初之二句於已起過此雜分二也不於非解

論疏九

三三乘字号

脫非定清淨處等者泰師云謂不於無想天等非解脫處求為真解脫不於四無色定非定清淨處求為定淨則於其中能正勸導名不幹利行又釋非道計道名定清淨也測師云求世俗伏道為定清淨基師云謂不轉佛法令入邪中非不轉邪向於正道四姓者測師云三乘及善趣為四姓或刹利等四姓如應利行中泰師云言若於自義諸善法品隨下中上功能差別可勸導者於諸善法品自性成就下中上功能差別可勸導者勸令脩習及由方便功能差別可勸導者於現起加行方便功能差別可勸導者令脩加行差別於彼如彼者



瑜伽師地論記卷第九

於彼自性義如彼方便而勸導之基師云此中意若有有情於自乘  
德三品善果法可勸導者而勸導之若入自乘已後之法而勸導之  
內五如文 論云何菩薩同事至無有退轉 記曰下明同事中略  
并其相不遍歷九門分別測師云准上類釋應有九門以其同事用  
前諸行與衆生同更無別法准上可知故略不論何所以知有九門  
者如下文說供一切施乃至同事乃至清淨施乃至清淨同事故知  
皆有九門今此文中初問後答中初約法并第二約人四句分別  
前中有二初正并同事二何以故下釋意初者若於是義等者舊人  
云若於是義者是自分善於是善根者依境所脩同事躰下云若等  
者成上自分脩義若增者成上勝進分脩義今釋汎論能化與所化  
有情若等若勝亡成能化若劣於彼不名能化故言或等或增也  
論何以故至教授教誡 記曰重釋中先釋同事二釋離譏嫌 論



有諸菩薩至奔捨他事 記曰四句中景公太初句明能化菩薩自  
謂為師所化菩薩實功德等者而隱自善故而不顯已功德威力伍  
頭受化第二句非他同事顯為度下劣有情現於旃荼羅類乃至狗  
等而生其中第三句有諸菩薩是他同事亦自顯現與他同事謂見  
所化所受善根猶可搖動為令不動現與同事或等或增者行位雖  
等然未成滿有退動義故與同事而共行之泰師云第一句者有一  
菩薩與諸衆多菩薩功德威力皆悉平等於菩薩道或起增上慢自  
謂為師或實當師位其餘衆多菩薩須隱自善故而不顯現功德威  
力與師相似行業同故名是他同事以自隱善故而不自顯與他同  
事第二句者為化狗事生狗等中然不與狗等同行狗行名非他同

事而自顯現生於彼故名而自顯現與他同事第三句者謂諸菩薩



瑜伽師地論記卷第九

見所化者所脩善根不堅住故現與同脩令使堅住或言彼脩相似  
者或脩勝善第四句可解 論如是已說至善法作業 記曰上來  
自分行中義判為三前二明訖自下第三雙結二利作業彰脩成益  
於中分三初明六度四攝自利利他作業差別謂六度自成佛法四  
攝成熟有情此就勝說 論又如前說至應知清淨 記曰次明六  
度四攝現行寂勝及以清淨三種因緣第三明六度四攝後八門中  
得果表別就第二文中初總標次別釋後結釋中初由身語意三種  
因緣施等現行二由廣大無雜染二因緣故寂勝廣大後三一普為  
衆生二普緣衆法三普於一切時脩次由四相成無雜染測師以此  
四相如次配初地二地三地四地已上釋之第三由三因緣施等清  
淨謂熾燃故無動轉故善清淨故初地已名熾燃無動第十地名善  
清淨到究竟地則第十地或繫屬一生則住天者寂後有則已下生



身 論此中所有至無罪勝果 記曰就第三明得果別中初明得  
佛果後得菩薩因中果但明後八門得八果不弁自性景公云此中  
欲明得差別果後之八門弁別義得果義顯自性門揔所以不論又  
復但弁後之八門得果則攝自性亦入其中別外無揔故又復自性明  
躰不能得果八門正弁義用故明得果基師又云以自性門不離後  
八門故不說問曰若尔如上来但云第二一切後方餘七是此差別  
若不離解不說應不說第二門所感果義曰不然初自性即第二差  
別感果自性不說此感果中約相似者非尅躰感共一自性為諸果  
因門故景公云言若多脩習者初脩也若善清淨者次脩也若具圓  
滿者脩成也亦可配三僧祇解此三義難行感果中景公云難行施  
中感解脫法門希奇神變等果基師云感希奇法者希奇法謂聖教  
希奇法或神通希奇法又云清淨感果中言四淨者謂所依淨神足



為依取住捨自在則延促命等境界淨則變化智三種自在心清淨者則一刹那入無量定等智清淨則一字中說一切法如對法第十四解或所依等如二十二功德中弁亦感生死流轉順菩薩行果者景公云菩薩行因之時久流生死由脩施等故得順菩薩行無罪勝果基法師云謂若無漏行望有漏果為增上緣資感若有漏行望有

倫疏九

三

東

漏果是正感

論本四十四

論本地分中至供養親近無量壽第十六

記曰上來七品明自利利他自分行訖自下二品明其勝進於中初供養品揔明自利利他隨緣造脩之行後菩提分品明其內證之行今此品中廣明供養三寶親近善友脩四無量故因以題名 論云何菩薩至十正行供養 記曰文中先問後答答中初舉頌開三章門後依門弁釋即為三段初解供養文分為二初明十種供養後明



六種增上意樂前中復二初明供佛後類供法僧前中有三初問次  
答後結答中先列十門後依門并十門之中初二一對謂供佛身及  
以制多景公云設利羅者此名躰謂供養佛躰迦耶名身舍利是指  
槃又佛弟子名舍利子者應言舍利弗多舍利是能言之鳥母名奢  
利似其鳥故弗多名子今此奢字難導還言舍利子言制多者三藏  
云積聚積聚埽石乃至金銀為佛塔故又由營造此佛塔故能令自  
他積聚福業亦名積聚於中或安舍利或不安處但是佛塔俱名制  
多窣堵波者是高顯義猶當此處浮圖義也秦師云設利羅此云身  
謂親供養如來色身舍利者音訛也窣堵波者此云供養處舊云浮  
圖者音訛也梵本正名勃陀制多者此云高勝謂勝上之處也基師  
云設利羅是躰即佛躰下文雖言供養色身意供養真佛法身故言  
躰測師云依西方諸處多是安置佛舍利處曰制多若僧祇律云有



舍利摩名之為塔無舍利者名曰支提次二現前不現前一對次二  
自作教他一對即前六種以財敬供養以為第七即前七種於多財  
事運廣大心名廣大供養即前八種淨心供養名為無染上來九種  
是財供養第十正行是行供養 論若諸菩薩至是名制多供養  
記曰依門弁中即分為二初明前九財供養後明第十行供養前中  
初明有財行九供養第二若無力下次明無財運心供養前中復二  
初別明九種第二揅明前中初二可解 論若諸至及以制多 記  
曰就解現不現前中文分為二初明現不現前供養後明供養得果  
差別前中有三一現對佛及現對制多供養第二通現不現第三不  
現供養言若一如來法性即三世如來法性一制多法性即是一  
切十方制多法性者真如理同法身躰一今時菩薩對一如來及一  
制多緣其法性興供養意即是運心普遍十方如來及制多真如咸



興供養第三於不現前一切如來一切制多搃對三世佛及制多施設供養者當運心時不見佛及制多想對餘方現在之佛及與制多并想過未佛及制多不現前供養 論若諸至為無有上 記曰下明得果得果有二一成因德二成果德因德有三一攝梵福廣多功德二明離過不墮惡道三能成勝菩提資糧文中略明不現前供以成因德成果德中先明現供唯對一佛及一制多境少狹故唯得大果次緣不現佛及制多心境漸寬得大大果三供現不現前境普心遍行得取上果 論若諸至為無有上 記曰次明自作教他中初明三種供養後明得果不同言不依懈惰諸放逸處者舊論無處字今言處者謂常所倚卧及過非之處也不得依此處而設供養 論若諸至財敬供養 記曰解財敬中若舊論云無盡財勝財然勘梵



瑜伽師地論記卷第九

本無勝財語今云無盡財者已得定自在菩薩所現財物以用供養  
供養無盡故三藏云遠法師無盡者多也 論者諸至廣大供養  
記曰廣大中景公云初牒前起後謂上所陳財敬供養此牒前也下  
并廣相若多妙者此二明物廣若現不現若自作教他作者此四明  
事廣若淳淨心下明其心廣下以向前七供養若迴求菩提釋廣大  
義基師云七種名上是多所供養即奉施無盡財是若妙供具第三  
又即如上所陳財敬供養是搃搃言如上陳若多供具第一妙供具  
第二乃至淳淨心猛利勝解為七遠師云若諸菩薩於如來所為一  
制多所二乃至財供養多妙等三現前四不現前五自作六他作七  
若淳淨心下釋上發心義意有妨又文意有違何以為七者此中明  
廣大意在供養心及物自求菩提而取如來制多者不然所供養境  
故法師同此今大師依第二釋以多財為第一財妙為第二乃至淳



淨心第七測同遠師

論若諸至無滌供養

記曰無滌供養有六

者景公云一不得輕慢二不住放逸懈怠三不輕弃擲不散漫心無雜緣心四不作虛設供養五不得雌黃墜於經像以至是故亦不得蕪灌沈佛像六不以局崛羅香者燒時大是似此間燒思是過迦花等而為供養者此花大如人手色赤似肉即是盥立時縛迦花等取一切苑香花也秦師云西方人供養諸天及鬼神形廟或以雌黃塗蕪灌阮皆是臭物故滌汚供養菩薩供養不尔局崛羅此言安悉香

倫元九 三六

東

迦迦花是赤色花皆是供養神鬼香花故不應供養佛之形像基師云言無滌有六者謂有五供養字為五於第三供養字中分二不輕弃擲者謂不擲物供養即為一不散漫不雜滌為一故有六種遠師此中全別測師云一自手供養二離輕慢三離放逸等過四離輕蔑



等五離諛詐貪六離財物染過 論又諸至皆無礙故 記曰上來  
別明九種供養自下搃明於中初明以三種財為前九種供養二明  
自在菩薩化事供養三種財者一自力得二從他得三得眾具自在  
財寶第二文中即有四句初明作眾多身恭敬禮拜二明一一化身  
出多手持花供養三明一切化身出妙音聲歌讚於佛四明化出諸  
莊嚴具供養如來下云由此菩薩已得證入不退轉地等者測師云  
謂由已入第八地已上故常在淨土恒見諸佛他受用身而作供養  
又解不退有二一八地已上證得無相無功用故任運常恒有進無  
退二初地已上證見真如無分別等諸見煩惱及諸苦觸所不能動  
今於此中通據二種不動也 論又諸至當勤脩學 記曰上來廣  
明有財供養自下明無財力運心緣彼大千界中所有三品供具供  
養如來 論若諸至尼殺曇倍 記曰上來搃是前九財供養訖下



明第十正行供養初明正行二校量顯勝正行中景判為六一脩四  
無量二脩四法印三脩習隨念唄拈南此云略義拈義三寶及波羅  
蜜脩習隨念四信解離言真如五脩三學六脩六度四攝基師云言  
脩無常想苦想苦無我想者此為三法印也不言空者即無我同故  
不說又言於其涅槃脩勝利想者謂此為誦言常誦也伽他為頌唄  
拈南為集施此言於涅槃脩勝利想即常誦也測師云初明資糧道  
二少時下明方便道三離言法性下明見道四何況下明脩道前中  
初明四無量次明四法印後明四念即佛法僧波羅蜜多 論由此  
至如來 記曰結也 論如供至亦尔 記曰例法僧也 論如是  
菩薩至何況其多 記曰下第二明興供養時教發六種增上意樂  
鄔曇妙花者此間無名可翻西方大有此樹無花但在葉間有子而  
輪王出時方生花也青蓮花有花無子與鄔曇鉢樹有子無花正相



違也

論復次至不作異意

記曰自下第二解親近善友先為七

問於中前四問善友辨相後三問求法者相前中初問成幾功德能

瑜伽師地論記卷第九

為善友二問幾德相應能為善友所作不虛三問成就幾相令他遠

聞極生淨信四問由幾種相於所化生為善友事後三問文可知

論當知菩薩至隨得隨捨

記曰下依七問次第解釋初二易知於

第三中言勝妙威儀等者測師云於初句內有四句初句久習今成

第二被服詳審第三三千威儀都備第四舉身齊整具足儼然 論

善友菩薩至請問聽受

記曰第四可知於第五中言於善友若正

依止於如法義若合若離隨自在轉等者基師云謂所依止師說法

若與舊同名合若別名離或依經論次第名合若別出義見不依經

等名離並如法之見也隨師自在而不顛動又自性名合差別名離



又合者即令此義相符如因明中合等若離者今此義別如因明中離等 論若諸至因性義故 記曰一作寶想難得義故者教法難得二作眼想等者由法開導得廣大惠因如眼導引能有所得亦可教法開導能生惠眼是眼因故名作眼想因受果名三作明想已得廣大俱生惠眼者牒前義也於一切所知等照義故者教所生惠等照名明因受果名說教為明 論若諸至退失勝惠 記曰答第七也 論云何菩薩至無緣無量 記曰第三解脩四無量中文三初約三緣脩四無量二對百一十苦偏明脩悲第三結歎勝利之相前中復三初舉數列名第二解釋第三義門分別前中將解先釋名躰躰者景師云謂四無量慈悲喜捨若衆生緣者依小乘說唯假想觀慈悲即用無恚為躰喜是喜根捨是無貪諸大乘解通有假實若初學菩薩為調心故假想脩習出躰如前若久學自在與樂拔苦能有



瑜伽師地論記卷第九

實益即用智惠為躰法緣無量即用諸佛菩薩人空觀智以之為躰  
唯觀五蘊因緣假有畢竟無人由此觀智說屬有情令其同得名為  
法緣四無量心故維摩經云何觀衆生答如焦粲芽如須陀洹身見  
如何那含入胎如阿羅漢三毒如得忍菩薩貪恚毀禁若尔云何名  
慈答曰得此法已為衆生說是即真實慈也無緣四無量考即是無  
分別智遠離一切分別戲論由得此智見平等理利他事成是故此  
時名證極愛一子之地故無緣慈無分別智以為躰性涅槃亦云無  
緣者緣於如來即緣法身如來離分別故名作無緣問曰證智緣理  
既無分別無利物相云何名慈答云如諸菩薩為利有情求如意寶

得此寶時雖無分別能隨衆生福力上下起雲雨寶利益事成此亦  
如是本為利他於多劫中脩習此智得此智時雖無分別而隨衆生



攝力上下起後智雲施法施財兩種種寶一切成辦雖無分別而是  
大慈若尔云何論中皆判此智名為自利答云差別二智故作此說  
今據後智利他事成皆由本智故說證智是真慈躰基師云慈無癡  
善根性悲無嗔善根性喜無貪善根性捨如捨數若依小乘為除與  
上相違惑故假以明觀而今大乘以所緣三境故實起無量救之次  
釋其名哀怜名慈惻愴名悲慶物名喜亡壞名捨並從義得名此就  
衆生緣中釋名若就法緣無緣慈悲喜捨云何得名法緣無量是人  
空智無緣無量是其證智二智起時實無哀怜惻愴等四行差別由  
此智故能起有情緣中慈悲喜捨別相行解從果受稱是故亦立四  
種之名 論若諸至有苦有樂 記曰解釋中有二初舉四無量境  
二對境弁脩初云若諸菩薩於其三聚一切有情安立以為無苦無  
樂等者一邪定聚謂作五逆定入地獄故二正定聚得忍已去定得



涅槃故三不定聚除前二外餘衆生是也大小共許此義今瑜伽約  
三乘定姓衆生名正定無三乘姓人名為邪定三乘不定姓人名為  
不定菩薩初學於此三聚假想安立以為三種一無苦無樂即慈境  
慈能與樂慈不緣苦緣苦悲故慈境無苦為無樂者而與之樂故無  
苦樂是慈境有苦者是悲境有樂者是喜境喜彼樂故則前三境通  
是捨境測師云若應分別四禪已上名無苦無樂三惡趣名為有苦  
三禪已下乃至欲界人天名為有樂巨細分別於無色界具有三種  
故智論云摩訶衍義說四無量通緣三界通漏無漏 論於其取初  
至名無緣慈 記曰對境并脩中初對初境脩三種慈二如有情緣  
下類明對三說脩三無量前中雖不牒苦樂境如有苦等境而言與  
樂即已解竟安住無倒者測師云但於蘊中假立有情無真實我故  
名無倒有情等 論如有情緣至是名為捨 記曰第二類明言遠



離癡嗔貪惑者景述兩釋一云捨所緣生無苦樂者多生於癡由捨  
無量令彼捨癡有苦有情多生於嗔由捨力故令其捨嗔有樂有情  
多生於貪由捨力故令其捨貪故導云隨其次第離癡嗔貪脩捨俱  
心二言一切有情或有一分於菩薩身不生苦樂如是之人多生菩

論卷九

三

乘

薩癡心今時修捨不起癡心或有一分於菩薩身是惡生苦能生菩  
薩嗔心今時修捨不起嗔心一分是親生菩薩樂菩薩於彼應起貪  
心今時修捨不起貪心故云隨其次第離之基解亦同之又云又令  
生離惑至聖果位而放捨之名捨又惡親平等故名為捨此亦且約  
令離三惑前三現樂非利益捨一令離三惑當來出苦名利益 論  
此中菩薩至及諸外道 記曰已下第三義門分別初弁三緣有共  
不共有情緣者與外道共道理亦與二乘共也法緣共二乘者二乘



亦觀唯法無人此法緣者不共外道以諸外道皆有我執故無法緣  
無緣唯大乘有 論又諸至是謂為捨 記曰次就利樂分別景公  
亡前三唯名安樂意樂以與現在及世間益故捨名利益意樂以與  
後世及出世益故泰師云前三無量正能拔苦與樂故名安樂意樂  
所攝捨無量除其違順平等利物名利益意樂所攝 論如是菩薩  
至名哀愍者 記曰三升異名 論此中菩薩至匱乏苦 記曰自  
下第二對百一十苦偏明脩悲於中有三初明對苦脩悲第二因解  
大悲之義第三結歎修悲勝利前中復三初總明對苦脩悲第二問  
答廣升百一十苦第三釋已總結就升百一十苦中初就增一門中  
明五十五苦第二別就九苦門中升五十五苦如是兩番如戒經說  
前五十五觀衆生苦後五十五自觀已苦前中云無差別流轉苦者  
即是苦諦復有二苦等者泰師云言欲為根本苦者因欲故貪着內



外可愛事可愛事若變壞時便生諸苦也言癡異熟者由愛癡報無  
黠惠故若為增上猛利苦受躰所觸之時即於自身執我我所愚癡  
迷悶極自怨嗟為身為心苦箭所射不能自明解若黠惠人雖遭苦  
觸能自開解無二箭也景公去凡受苦觸計我怨嗟必在盛年已去  
故言猛利躰受所觸計我我所等現所受苦乃是前業所感愚此報  
苦不知何從故名癡異熟生苦自逼惱苦謂無繫外道者即尼捷子  
懸頭刺股拔髮之類等一類威儀多時住者坐卧立等隨一位也  
論當知復有至一切種苦 記曰後五十五苦不取根本九苦但取  
餘隨生苦第二門中有四種苦故得成五十五復有二苦等者遠  
師去即前二門中苦謂宿因所生苦即前癡異熟生苦現緣所生苦  
即是前欲為根本苦但以義別故來增九中景公去壞法盡法者此



據外依果壞盡所以生苦泰師云壞法壞時苦者可壞之法壞時生苦也盡法盡時苦者可盡之法若至盡時便生大苦前但壞不盡也八法中不言苦但言利等三者即此內明苦故不言苦也謂如前說五樂所治有五種苦者如前自他利品所說一因樂今翻云因苦所謂惡業翻善業根境順苦受觸翻順樂受因苦二受樂今翻云受苦即苦受也三苦對治樂謂飢得食等今翻云不得苦四受斷樂謂入滅定今翻云在有心位故苦五出離樂即出家樂故下言家即在家即苦也遠離即得色界初禪定遠離欲界結今不得色初定故有欲界結苦寂靜即第二定離初禪尋樂今不離初禪故有尋苦苦提樂即三菩提今在異生位故苦故家欲界結尋異生苦如次配之後五苦中前三苦苦次一壞苦後一行苦 論前五十五至脩習圓滿記曰結也 論又諸菩薩至應重苦 記曰下第二因解大悲於中



有二初明大悲所緣二解大義舊論開新論第六自作遍惱苦為二  
謂自作苦及遍惱苦剩有一苦謂他作苦少第十四一切流轉苦及  
第十七隨逐苦故唯十八今十九中前之八種前五十五苦中來後  
十一苦後五十五苦中來問曰何以尔許苦來餘不來耶義曰取一  
一門中增上者來以為大悲境故所謂愚癡苦者即前二門中愚癡  
苦行苦即前三門中行苦畢竟苦即前四中畢竟苦因苦即前六中  
因苦生苦即七門中生苦自作遍惱苦即前八門中自作遍惱苦戒  
衰損苦即前九門中戒衰損苦宿因苦者是後五十五苦二門中宿  
因所生苦廣大苦者即是四門中搃名那落迦苦即四門中那落迦  
苦善趣所攝苦還是四門中善趣苦一切邪行所生苦是五門中搃  
苦名一切流轉苦者即是六苦中搃苦名無智苦者七門中無智現  
行苦增長苦者八門中諸出家者貪於煩惱增益生苦隨逐苦即九



瑜伽師地論記卷第九

門中第八苦名也受苦即十門中受苦處重苦者即十門中三界煩惱重苦顯揚中廣解五十餘苦然與此稍異 論由四緣故至如來清淨 記曰次解大義由四緣故悲名大悲等者若悲在四無量名悲不名大悲尚與聲聞共初地已去菩薩亦有若悲名大悲唯在佛地及第十地問曰何故初地至九地不名大悲義曰由四緣方名大悲九地以前菩薩雖有緣甚深行苦及猛利作意二因緣無長時習及極清淨因緣故由長時習等三緣故極清淨要第十地等故故九地已還菩薩不名大悲 論又諸至悲所建立 記曰自下第三結歎勝利於中初先結歎次明勝利後引說證成勝利有二初明地前脩悲勝利二明地上脩悲勝利地前有二初明地前由脩悲故速入初地得六種心二過小乘見道無學厭離之心悲前行心者地前



脩悲乃是初地悲前行心正觀有情隨在百一十種極大苦蘊自下  
第二明地上脩悲所得勝利謂能滿六度自下第三引說證成與舊  
論全異彼云若有人問何等名為菩薩應正答言住大悲者是論  
如前所說至一切大苦 記曰上來解脩四無量大文有三中前二  
段訖自下第三摠結歎四勝利之相初摠結歎二明得四勝利何等  
為四得現法樂住一得福德資糧二於菩提意樂堅固三為生忍苦四  
論本地分中至菩提分品第十七 記曰上來勝進行四前供養品明  
隨緣造脩行訖今此所明菩提分品即是內證行如頌所列有十五  
法皆趣菩提摠名菩提分法亦可十五法中第九明菩提分從此標  
品名菩提分品 論云何菩薩至法唄陀南四 記曰文中先問後  
答答中初有二頌列十五門後長行中次第別釋二頌之內初頌列  
九後頌列六若依十地經論明通行菩提分法有其十種一信二捨



九第卷記論地師伽瑜

三慈四悲五慚六愧七堅力持八無厭九論十世智彼經慚等六法  
與此處同信等四法略而不說所以然者測師解云前種姓品明八  
種施戒品等中廣明捨等供養品內廣明慈悲所以此處不論論  
云何名為至慚愧依處記曰長行別釋中即為十五段初解慚愧  
云於自所生惡作有依隨逐不捨而生羞耻者景公云惡作是悔悔  
已還作故名有依隨逐泰師云謂為悔所依處然不能捨依此悔所  
依處而生慙耻當知是名第四依處基師云謂由第三作惡已悔悔  
已復作後作依前作故名有依測師云於已作善惡及作疑起故而  
生慚愧惡作是悔有依是疑故舊論云若是疑悔自能除滅續起羞  
耻是名第四依處論云何菩薩堅至性依處記曰次解堅力持  
性景公云言能禁染心者即念惠為性堪忍苦性者安忍是智於多  
猛利怖畏無頃動性者難壞精進為性乃至能正思擇還是智也尋



文採拾即用念惠精進為堅力持性測師云性勇相應下出持躰也

瑜伽師地論言老身力 第四十一 勇 勇 勇

言性勇者是精進言相應者是定能正思擇者是惠故莊嚴論中問  
無畏躰相云何偈曰進定惠三起也 論云何菩薩心至故無厭倦  
記曰第三心無厭倦者景公云即用無足精進惠悲三法為躰五因  
緣內一自性有力二數慣習由此二緣故無厭倦下三出躰第三精  
進第四妙惠第五悲心故知三法為躰測師云舊論云不動今此云  
心無厭倦若依莊嚴論名為不退四門分別一品類者有三一聞法  
無厭不退二恒大精進不退三生死苦恒不退二依止者有二一慚  
二勇有慚者不退退者可羞耻故勇者不退退非猛健故三自性者  
謂欲樂大菩提欲樂若迴即退故四差別者有三一未成謂信行地  
菩薩不退二成謂初地至七地菩薩不退三極成不退謂八地已上



瑜伽師地論記卷第九

菩薩不退故知以欲數為無厭倦躰 論云何菩薩善至無有顛倒  
記曰第四善知諸論者景公云此即有四初一聞惠第二即於已下  
次弁思惠第三如是知法知義已下溫故不忘即用念與精進為躰  
第四又為了知已下知障亦通聞思測師云若依莊嚴名為知法六  
門分別一知法者謂知五明論二知業者謂知自利利他以此為業  
知內論者為自脩習及為他說知因論者為由立已義及屈他義知  
聲論者為自善音令他信受知醫論者為除他疾知巧論者為令他  
解三知論相謂知此五論得有五因是菩薩知論相一聞得二持得  
三誦得四思得五通得菩薩先論有聞聞已受持持已習誦誦已正  
思通達思通達者知是功德知是過失此是善語此是惡語四無盡  
相者謂如此知乃至無餘涅槃亦無盡故五得果者自知得一切種  
智故六二門者一三昧門二陀羅尼門知論菩薩以三昧門成熟衆



生隨彼化攝故以陀羅尼門成熟佛法隨所得法皆能持故今此文  
中有三初明聞惠即當莊嚴論知相中聞持誦三相二即於如是下  
明思惠即當莊嚴思得相三又為了知下明脩惠即當莊嚴通得相  
於中有二初明有漏脩惠後於此下明無漏脩惠能知躰即惠數也  
論云何菩薩善至不如實知 記曰第五善知世間中初問次釋後  
結釋中初知世間後隨順世間莊嚴論說菩薩有三種知世間一身  
知世間謂舒顏熙怡歡笑二口知者謂即先語慰問讚美三諦知者  
一知世生即此知苦集二知世滅即此知滅道廣說如彼就初知世

間中有五一

知衆生世間

一知器世間三作八觀四作勝義人無我

觀第五牒結前中有二初知世間於獸生死上昇出離不如實知泰

師云無漏道能斷生死名上昇出離而諸有情於生死出離道不如



實知也測師云人天異生出下三趣名為上昇三衆菩提解脫三界名為出離 論又諸菩薩如至有情世間 記曰二知世間穢濁增減五濁躰性者一壽濁大乘以阿賴耶識連持不死假立命根即以此命根為壽濁躰二有情濁謂下解中云不識父母沙門以不信為性若婆羅門以憍慢為躰不畏今後世罪以無明為躰不脩善等以懈怠為躰即以五法為有情濁躰若同時五蘊者通五蘊為躰三煩惱濁謂除見及前五餘煩惱為此濁躰見濁謂五見看下文意兼取內道妄見為躰即不正知也劫濁謂飢饉疫病以觸中二數為躰刀兵以四塵或五蘊為劫濁躰若約界分別唯欲界唯南閻浮提所以知者文中自說如於今時人壽短促等乃至如於今時漸入飢饉劫等若論對治由行煞故得於短命今脩不煞離於命濁由不恭敬癡慳懈怠故有有情濁起若脩恭敬離癡慳等離有情濁若得聖道離



煩惱濁及離見濁劫濁者若於今世一日一夜持不煞戒終不生彼  
刀兵劫中若以一食施僧福田終不生彼飢饉劫中以一訶梨勒菓丸  
施於病人終不生彼疫病劫中言冒非法貪者不避母女及以姊妹  
等不平等貪者貪取他物漸次入飢饉劫中等者當知今時已入三  
灾之內然未究竟究竟飢灾至三十歲時病至二十歲時刀兵要十  
歲時 論又諸菩薩如至皆如實知 記曰第二可知第三作八觀  
舊論略無第四於能往趣世間集行有餘七句也景公云言於其世  
間者即觀苦也於世間集於世間滅者即觀集滅也於能往趣世間  
集行者此觀受也因受生愛愛是集躰受為往趣集之行也餘處但  
作七觀不觀於受於能往趣世間滅行者此觀道也愛味者重觀於  
集過患者重觀於苦及出離者重觀於滅略不重觀於道以能觀心  
即是道故以集是生死之本所以三度觀之泰師云於世間集者受



因也基師云問曰何以集諦二重觀苦諦滅諦二重觀耶義曰苦集  
深可厭故二三觀之滅甚可忻故亦重觀也又前五觀四諦唯重觀  
集趣集之行謂受者以深可厭故故重觀之前別觀四諦下重觀四

論疏九 四

東

諦愛味謂集諦或是苦諦過患謂苦諦或是集諦出離謂無漏二諦  
為一觀也測公云相傳解云八種觀者以七處善為七無我為第八  
此說不然三藏勘梵本釋論而釋正同景師 論又諸菩薩如至皆  
如實知 記曰上之八觀名安立諦觀下第四明人無我勝義之觀  
謂此長老有如是名等者舊論但有前七略無第八盡其壽量邊際  
論由諸菩薩至善知世間 記曰自下第五牒結前四可知 論復  
次至問答不知 記曰上弁知世間竟下明隨順世間於中有四一  
明化順物情愛語行轉二若識不識下明化稱物機利行轉三或為



現法利益事義下明化遂物心施行轉四於所應作彼彼事中下明  
化合時宜同事行轉十四垢業者此出阿含善生問經彼解十四業  
六離四結業謂煞盜邪淫及以妄語離四非處所起之業謂貪嗔癡  
怖離六損財所謂一耽酒二博戲三放逸四耽着伎樂五惡友相損  
六懈怠懶惰藏隱六方者彼問佛言如我事於六方鬼神未知佛法  
亦同我不佛言我佛法中亦說衆生事於六方但不同汝所謂父母  
為東方師長為南方妻子為西方親友為北方奴僕為下方高德沙  
門為上方供事六方名為藏隱遠四惡友者一畏伏友以畏故伏非  
是好心二笑言友心不真實三敬順友善惡俱順四事惡友惡事皆  
作攝四善友者一止非友二慈愍友三利人友四同事友依彼阿含  
經一一別解但舊地持六離十四垢業謂隱覆六方離四惡友攝四  
善友地持應是錯也尸佉絡迦者此應指彼阿含中說從彼請經人



瑜伽師地論記卷第九

以為名此名頂髻持 論菩薩成就至善知世間 記曰下第三捲  
結云如其世間正所應知者結其第一知世間也如其世間正所應  
轉者結其第二隨順世間也 論本卷第四十五 論云何菩

薩至脩正四依 記曰十五門中前五已訖自下第六明脩四依分  
之為三初明脩正四依二明略現四量三明脩功能前中景公云四  
依次第經論不同略有五種一觀入次第如成論說第一依法不依  
人第二依了義不依不了義經第三依義不依語第四依智不依識  
此就聞思脩觀入次第初依法不依人依了義經不依不了義經簡  
非取是習成聞惠第三依義不依語簡非取是習成思惠第四依諸  
賢聖智行之法習成脩惠第二從本起末作用次第如涅槃說次第  
依法不依人者法是真如理躰第二依義不依語者義是佛果所謂



般若解脫法身依理成德故次弁之第三依智不依識智是佛智即  
是用門依德起用故次弁之第四依了義經不依不了義者依智起  
說故後弁之第三舉果尋因以明次第亦如涅槃經說第一依義義  
即般若解脫法身此是佛德是以先論第二依法不依人者法是真  
如之理果依理成故次弁之第三依智不依識智是了因由智顯如  
故次弁之第四依了義經不依不了義者由依了義經教漸脩行故  
方成證理之智故次弁之第四舉深尋淺次第如維摩經法供養品  
說第一依我我是二空所顯真如第二依智智是證智依理方起故  
次弁之第三依了義經經是義詮前所弁義由詮故顯故次弁之第  
四依法法謂地前行法依於行法脩習方得證理之智第五依義道  
理起脩次第如此中說初依義不依語即用教下所詮一切義行為  
所依不依於語雖復依義義若與彼四道理法不相違者方可得依



是故次弁第二依法法是四種道理之法此上二種依義道理以明  
次第後之二種起脩次第第三依了義經不依不了義經即詮三性  
教法為了義經餘教不了不可為依由依了義教故脩成證智是故  
第四次弁依智不依聞思基師云依諸經論次第不同如涅槃經從  
果推因說次第謂真如是果可依真果不可依人即緣如智名義可  
依此義不可依語即因此智起後得說法可依此智不可依識既聞  
法已可依了義不可依不了義又即推從因至果即以法為證真如  
智即是因義為真如即是果可依了義即先觀因後方觀智不依於  
識合此五重不能煩記今此文即為第三重也測師云此四依中前  
二明攝法次第義能成行故先為依義為理也義藉詮顯故次依法  
法為教也後二明起脩次第依前教法脩習正解故次第三依了義  
經依了義智脩習起行故次第四明其依智聞說大說者測師云謂



勝論等外道所說名聞說諸佛所說名大說正惠了此說已以道理  
聖法為依不同在嚴論唯用教法為依於真實義者謂於四種真實  
理法毗奈耶者此有兩釋一云法是三藏毗奈耶即是毗奈耶藏二  
云法是三藏即是三藏滅惡之用通名毗奈耶本性義者基師云即  
法之本躰言識有八種是識之本性小乘不了義不說故弁於本性

論卷九

四六

亦不能了也則師云依於一切種種異門弁盡所有性如所有性故

兼

云依種種門弁本性義依智不依識中基師云聞思是智何故不依  
義曰雖是智散智也未圓滿故不可依若尔世間脩應可依義曰亦  
不可依且以三惠相對今不依者論唯言聞思惠其脩惠中亦有不  
依也 論依正四依至真實正智 記曰顯四量景公云謂所說義  
即是依義正理者即是依法大師者即依大師所說了義經也脩所



成惠者即依智也 論又諸至無有迷惑 記曰脩功能也 論云  
何菩薩所至無倒開示 記曰第七明四無礙中景公云四並用如  
量智為躰法無礙中一切異門者名句味教多種差別故名一切異  
門盡所有性者教詮俗諦如所有性者教詮真諦亦可直就俗諦中  
摠詮俗諦名盡所有別論俗法一一差別有多義門名如所有性直  
就詮真理亦有二義如摠詮真如名盡所有別詮真如名為無生無  
滅法界實際次第義名如所有義無礙中謂弁所詮義種種不同名  
一切異相餘義同前並言依脩所成故知唯取脩惠釋詞無礙即善  
知方言訓釋不同弁無礙中於一切法一切品別所對機根及能起  
業差別非一故名品別若機若業皆有盡所有性如所有性分別可  
知基云法以能詮之教也能詮惠是法無礙躰其義無礙解即前法  
下所詮之義故能詮法中有異門之言所詮義中有異相之談別也



即於能詮得智名法無礙於所詮得自在名義無礙如雜集第十四  
云法無礙於一切名差別謂依無明等於無智無見不現觀等差別  
名中無礙智義無礙智相及意趣相謂自共相意趣謂別義等詞無  
礙此但有訓釋諸法言詞如雜集亦言謂於諸方言音謂無量國邑  
衆生自相言詞訓釋諸法言詞謂可破名世間等以一音演說衆生  
隨類各得解等名種種言音也其弁無礙此唯言於一切法一切品  
別如雜集一切品別者謂實有假有世俗勝義有等種種差別之辭  
弁也測師云依莊嚴論第十四卷門差別偈曰於即知門相言智釋  
曰第一者謂知門智能知義中所有名門差別故第二者謂知相智  
能知此義屬此名故第三者謂知言智能知異土言音故第四者謂  
知智智能知自能說法故乃至下六舉法者以門故釋法者以相故  
令解者以言故避難者以智故廣說如彼 論云何菩薩菩至應知



瑜伽師地論記卷第九

名上 記曰第八并菩提資糧若依莊嚴論二聚攝六度門偈曰初二為福慧第六即是智餘三二聚因五亦成智聚就下釋中餘三者即忍進靜慮通為福智二聚因五亦成智聚者復由般若能迴向故諸波羅蜜皆成智聚餘門廣說如彼論中 論云何菩薩於至一切應知 記曰第九明三十七菩提分法中初階前生後開列兩乘後次第解前中謂大乘聲聞二種菩提分法名二乘理趣菩薩於聲聞理繫如實了知為欲伏聲聞具一切種智故而於中不作證取於大乘理趣與聲聞別測師云謂諸菩薩如實了知離言自性離於有無而不偏執故言而不作證下解二乘中聲聞菩提分法指如聲聞地解論云何菩薩於至當知亦尔 記曰第二章文分為二初就三性真俗二觀以明道品二約四諦安立非安立觀以并道品前中景公云



謂不於身分別有性者於彼依他因緣身上謂不分別決定有性即於遍計離增益執言亦不分別一切種類都無有性者遍計所執決定性身雖復不有而因緣身法不得言無故言亦不分別一切都無有性即離損減執又於其身乃至如實了知者此於依他身法真如圓成實性如實了知基師云不分別有性不為遍計執分別身有不分別無性者不分別依他圓成二性は無又於其身遠離言說自性法性等者此重解圓成不起言說分別真如是不可言說自性法性也若准下如是菩薩於身等法不分別苦等文即亦不分別一切種類都無有性唯觀依他遠離言說自性法性者即圓成實性今離言說言說不相稱不同依他故下文云是四諦之法性法性即真如也即不分別有性是遍計不分別一切種類都無有性是依他遠離者說自性法性是圓成實也

論如是菩薩至緣諦脩習

記曰次約



九第卷記論地師伽瑜

四諦安立非安立門并真俗二觀道品初去於身等法不分別苦集  
滅道者加行智中趣真如觀雖尋四諦而不分別名為勝義觀言又  
即於此遠離言說自性法性乃至如實了知者觀四諦如非安立諦  
正躰智觀也當知名依勝義理趣脩菩提分等者結前二番名非安  
立勝義觀也若諸菩薩隨順無量已下別觀八苦為苦諦愛為集諦  
乃至八支聖道名道諦等即是安立世俗門後智觀也 論此中菩  
薩至當知名觀 記曰第十明脩止觀中初揔標兩門言無所分別

論卷九

四八

集

當知名止者靜慮一緣離諸分別當知名止次明真俗二智名觀  
論此中菩薩至菩薩止觀 記曰次別明品類差別言一勝義世俗  
智前行者景公去先起於定依定脩智名智前行亦可先起於智依  
智脩定故名智前行也基師去即無分別智後得智之前方便定即



與加行智同時定問曰何以得知此中世俗智是後得智義曰前極  
標門中有二智一如實真觀二安立世俗妙智故知此中世俗智是  
後得智二勝義世俗智果者景公云若依定脩智智是定果或依知  
脩定即定是智果基師云即與正智後得智同時定是前加行定之  
果故二智同時定幹即是果也又釋即二智後所生等流之定故言  
勝義世俗智果即二智家果也問曰何不明二智俱時定義曰下第  
三第四定即二智同時定也三普於一切戲論無功用轉者景公云  
時離惡也泰師云是俗諦智也基師云轉即轉滅謂正智普於一切  
戲論想中皆能轉滅若如前解二智果者此即說正智同時定之業  
用若如後解者即正明正智同時定四即於如是離言唯事乃至一  
味實性者景公云明無分別定正證真如泰云即於如是俗諦中推  
求言說分別性不可得於離言唯事依他性至心寂靜是真智也基



師云說正智觀依他不分別有性故入一味真如義若依前解即說  
二重說二智之業用若依後解即重明二智之業用第三正明終今  
此明業用也若約位者第一在地前加行道中第二入地以去乃至  
七地以前第三在八地以上乃至九地第四十地為之入於佛地略  
有四行當知名觀已下文者景公云言謂即四行止道前行者此第  
一句明位四種止行以脩於觀名止道前行亦可依觀脩前四種止  
行名止前行於一切法遠離增益不正執邊者此第二句知遍計無  
相也遠離損減不正執邊者此第三句了知圓成有也及與隨順無  
量諸法差別等者此第四句明於依他因緣之法差別觀也泰師云  
言謂即四行止道前行者四止道前方便思量觀察故名四觀也從  
四觀後任運而轉不作意思量即名四止基師云謂即四行之止道  
前行是第一即加行智前四止中之前行智有滿聞思也且論四止



前行之智其實與第一止同時觀是加行智亦在此第一攝離增益  
執第二離損減執第三二即無分別智離二邊也及與隨順乃至安

瑜伽師地論記卷第九

第四九張

庚字號

立理趣是第四後得智此四智地地皆有別配稍難下第三結也  
論云何菩薩方至方便善巧 記曰第十一明方便善巧先總標舉  
後別徵解既言為內外二別何得內中有成熟衆生之義外中有自  
成之義義曰於內中雖言外衆生意取菩薩心故言內於外義在有  
情不存於內自熟 論云何依外至諸勝妙果 記曰解外六之中  
初徵開六後次第解於中初別解前二次總解後四一月不食是外  
道計投巖赴火是尼捷子計婆羅門吠地迦呪者此云明呪也究竟  
淨謂為無漏出世淨也 論云何菩薩方至令脩利行 記曰解後  
四中先併作四問第二解釋第三總結釋中初開六章門後次第解



解初方便中謂諸菩薩下乃至又於趣入遍緣一切三摩地門能為隨順等以來明隨順以下明會通隨順順彼會通為釋經說先隨順令生欣樂方便遍緣故也隨順中先愛語即美語也次布施亦復現行近施隨轉等者是也近施隨轉者謂隨起施而攝近之或近施即行施攝事而近之隨轉則同事攝事由布施財同為伴事除所生恚等生愛敬下明利行為現神通記心顯說等者即三輪也又於趣入遍緣一切三摩地門能為隨順教授教誡等者謂有三摩地能遍緣一切則一切種智定也若有趣入者隨順彼故教授教誡是此中意也論若諸有情至方便善巧記曰會通中云為彼說言此經不說一切諸法都無所有但說諸法所言自性都無所有等者不說依他等二性都無然說遍計所言自性は無也雖有一切所言說事依止彼故諸言說轉然彼所說可說自性據第一義非其自性等者雖



有依他等所言說事依此事起遍計言說如此言說所說自性如免  
角故據第一義非如其遍計所執言說自性故言無事則無遍計事  
也非無依他譬如空中有衆多色色葉可得容受一切諸色色葉等  
者此喻真如如空遍計如色等謂下唯遣遍計諸色色葉證真如似  
空之性又如幻夢非如顯現如實是有等者上來明喻真如似空色  
華似遍計就此以下喻依他如幻等如遍計執者非有如計實人等  
其假相似不無則依他也如是諸法非如愚夫言說串習下捻結上  
來明依他圓成有遍計無也約勝義離言自性此二性非無所有存  
二性也由此方便悟人道理一切諸法非有非無猶如幻夢其性無

二者此結上三性言遍計亦非有非無非有同免角也非無有妄情  
也依他亦非有如遍計也非無有假夢幻也圓成亦非有同遍



計非無勝義有也不取少分不捨少分等者不取遍計不捨依他真實不作損減者即二性有也不作增益者知遍計無也故於道理無所失壞 論云何菩薩共立至要契方便善巧 記曰什資身具者相傳云文恐文字下脫落後檢文再注 論云何菩薩異分至究竟清淨 記曰次三善巧如文不解第六究竟善巧中初問二解三結第四別解究竟清淨義第二解中明八相文中不具具足應言一住觀史多天二下生入胎三住胎第四初生第五出家第六成道第七轉法輪第八入大般涅槃文中闡少四事加一苦行又以佛眼觀察世間勿使有情作如是謗但由梵王躬自来請敬梵王故宣說正法非於有情自起悲心者秦法師云為壞計等一類有情故於菩提樹下梵王初請不即為說以佛眼觀五俱輪物等有機故後至鹿苑方說法也 論如是菩薩至方便善巧 記曰第三總結云若略若廣者有釋約別解六



或略或廣隨順要契究竟三廣餘三名略故云也 論云何菩薩妙  
至况陀羅尼 記曰第十二解四陀羅尼先問後答答中有四一舉  
數列名二徵問別解三約位分別四明得因差別景公云法義呪三  
持用如量智為性忍持通用理量二智為性若約法數出躰法義二  
持即用念惠為性呪持一種用自在定為性以禪定力加被諸呪文  
句令有神驗第四忍持即用智惠為性即是法思勝解忍為性基師  
云能得陀羅尼者以無分別智為忍躰即證真如能得忍者即加行  
智能有持呪功能得證真如故三藏云此以無分別智為躰若尔何  
故言能得忍此於加行道中持思此呪故速得真智證於真如故下  
文在勝解行地 論云何菩薩能至少眠多寤 記曰解第四中初  
云成就妙惠者出躰也第二獨處空閑已下明方便第三於佛所說  
下廣明脩相此初二也基師云言成就自然堅固因行者謂在地前



具足妙惠者即成就趣出世妙惠也或於不動因行中具足妙惠言  
獨處空閑等者泰師云空寂之處眼所遊路無物可觀故名空無有  
物見路而行也景公云不畜資緣見路而行夜無他涉待曉方進  
論於佛所說至忍陀羅尼 記曰廣明脩相中有三初舉無義呪詞

伽瑜

卷九

集

為思惟境二於呪句正起思惟三由思惟成忍勝義利呪詞有二一  
是有義二者無義即舉無義呪詞思惟觀察類知一切隨言自性皆  
不可得由此思惟得成於此陀羅尼忍第二文云即於如是呪章句  
義等者景公云謂依於此無義句辭正起思惟類知一切言說自性  
皆不可得名為通達言了知如是諸呪下重明通達長牽成句謂了  
知如是諸呪章句都無有義是圓成實但唯無義如實了知此章句  
義所謂無義是故過此呪文之外無餘義可求基法師云謂此呪無



有義但唯有名謂地前菩薩誦此無義之呪欲除計執此唯但名何  
處有義故知諸法但有妄計名無如實執義故不可依名生執由此  
思惟故便能入真觀證菩薩忍徭師云呪句正詮依他圓成離言無  
生故菩薩諦思自然得解無生法忍論云無義意在於此 論此中  
菩薩至深心愛樂 記曰法義成中而不決定者由有謬錯亦不堅  
住者由有退故亦不廣大者持有分齊故非如無邊第四段如文  
論云何菩薩所至第十大願 記曰第十三解所脩正願初問後答  
論願躰性諸師不同有古師依成實以忍為躰徭師云以智為性故  
此論云智於後後希求故三藏云思欲信上假立願也景公云用勝  
解欲思信為躰答中則并五願發心願者准對法論發心有二一總  
二別今此初發心即是總也受生願中云隨順饒益有情諸善趣中  
者問曰何以不言隨順生惡趣中基師解云有多意一謂善趣利多



瑜伽師地論記卷第九

惡趣利少略不論也二順八相唯在善趣故又惡趣無自在為王等  
示化故又說善趣時意顯生惡趣從勝處說唯論善趣正願中云若  
從若別者有釋從求諸德名從別求戒定等名別第五大願從正願  
出大願差別有其十種按地經并十願與此論大義同彼云一供養  
願二受持正法願三攝法上首願四增長衆生心行願五教化衆生  
願六知世界願七淨佛國土願地持論釋云淨佛國土相有七種一  
同相淨二自在淨三莊嚴淨四受用淨五住處衆生淨六因淨七果  
淨如彼廣釋地經論第八願得一切菩薩同心同行共集善根無怨  
嫉故一切菩薩等觀故第九三業不盡願第十成菩提願 論云何  
菩薩空至無相三摩地 記曰第十四并三解脫門初并三相次明  
建立後結勸脩學前中景公云此明大乘不共三摩地以無分別智



相應定數一併義說下約十六行并三摩地與二乘共基師云此中  
空意若相見道唯苦下二行無願文意由有煩惱等言故唯集四行  
苦二行無相文意由有永滅寂靜言唯滅下四若約餘處文有多別  
一文如前又文無願并攝道下四行餘如前有文無相攝道下四行  
無願不尔餘如前有文三諦如前初釋道下四行通三解脫門攝如  
顯揚第二卷有義空行若約斷惑通四諦餘可知又此中論文意在  
真觀中義用分立以三解脫門若斷惑唯空行若俱時亦有無願無  
相義若無願中文意有煩惱等言似唯集四行若二行准下增減門  
中總於有為而立無願無願通三諦又此總言若此中意如前說  
論問何故唯立至空三摩地 記曰建立三中云我及我所名為非  
有者地持大無我我所名無有 論如是菩薩至及圓滿證 記曰  
結勸學中基師云如是乃至精勤脩學者此勸學也於是建立如實



了知者結前正明三解脫門又結不增不減義於餘行相三三摩地如實悟入者以了知此所明解脫門於餘行相如實悟入悉能解之安立理趣如實悟入者即初悟入真三解脫門修習理趣如實了知者勸修習三摩地之法故下重解去謂於其中諸聲聞眾精勤修學即學行及圓滿證即悟入也更別解思之可知今解如是菩薩乃至修學者結前正弁三解脫門相於是建立如實了知者結前次文建立門於餘行相三三摩地如實悟入者舉此建立例餘行相建立悉皆悟入餘同基釋

論本卷第四十六 論復有四種至名唄

陀南 記曰自下第十五解四偈陀南若作唄字皆須改正舊語不正名四優陀翻名為印今正翻名說即世尊常誦說此義似無問自說隨義傍翻亦得名印或名提略義或名標相如說無常是有為標相若是無漏法標相無我是一切法標相涅槃寂靜是無為法標相



若名喟按南則名集施既名偽按南故是標相文中初舉數列名二  
解偽按南義三依四義次第解釋以三義解偽按南云法相應義者  
謂無常與有為法相應等展轉宣說者如過去諸佛說此四法傳至  
現在現在諸佛說此四法傳至未來異生依尋此四行迹能趣人天  
勝果名趣大主聖人依尋此四行迹得離三界名出第一有 論云  
何菩薩等至故名無常 記曰釋初無常義中間解結也解中有二

倫寶九

五十二

東

初就通計所執以解無常在嚴論云以無義是無常義由分別相畢竟  
無故 論又即觀彼至故名無常 記曰已下第二就依他因緣之法  
以解無常於中有三初觀依他自性無常二約三世以弁無常三約四  
相以弁無常初中乃至無知為因生滅可得等者景云此明依他自相  
不可言說如眼諸色乃至身所覺觸不在言說如飲冷水證者自知必



言說之不稱所證諸因緣法自相皆尔若欲起說但說共相謂施設色  
即說一切色皆盡若說青色即說一切青色皆盡故如一念眼根見  
一念色如是自相刹那即謝說不可得由不了知離言自性隨其言說  
執有定性遍計所執如此執時熏種成因生彼依他色心等法有生即  
滅故名無常測師云由不了知如所有性等二種真實及世間等四  
種真實故起諸戲論無明法執起諸世間有漏五蘊生成可得 論  
又諸菩薩至而無自性 託曰次觀三世諸行無常由彼諸行無因  
可得亦無自性者明彼過去諸行無自幹性亦無能生因測師云於  
此文中西方兩釋一云法拒道理於一現在法建立三世謂現法上  
曾不有故名為未來嘗不有故名為過去已有未滅故名現在此據  
勝義道理若依世間道理亦得說言過去亦有曾當有故據此道理  
皆得說云有無亦有亦無非有非無此破約三法三世皆有實幹論



師教二云唯識道理建立三世謂於現在見分上有一世相而得顯現故說三世據實是現在攝問過去未來無云何無常三藏兩解一云未來本無以當有故故名無常過去亦無以曾有故故名無常第二解云當有名未來正有之時皆有無故名無常還無名過去正有之時還無故故名無常 論菩薩如是至正觀為滅 記曰第三觀四相中初弁四相第二廣破外執前中云一一剎那皆有三相於剎那後復有第四有為之相者景公云三相現在同躰義說滅相過去問云若尔即違經說有生即滅之言解云未必四相同時名為即也今言即者即此生法即當滅壞更無別法故名為即測述西方兩釋一云三相無前後是故無間道生相即是惑法滅時非謂一時二法並現一云三相有前後謂生及住異生相與住相一時是故惑法住相無間道在生相並在現世以其三相並是現在一剎那中第



曰滅相在於過去故言一一剎那等也即於此中乃至正觀為滅者

論究

五

集

新藉緣生非先諸行今更說生基師云若即現在與異同時而名滅者即滅是無法住異是有法如何有法俱時亦有無法故此論云從此諸行生剎那後即此已生諸行剎那自性滅壞正觀為滅即由有法無時至過去世方立滅相故生滅明闇而不同時問曰若然即一剎那無有四相義曰此法滅即此法生時如秤兩頭平等平等故一剎那有生有滅若然何故不先滅後說生耶義曰從初說故以初時要有生故問諸經中皆言三有為相何者為三義曰有二義一攝住入異以住相似無為故又若聞諸法有住即厭有為心不猛故又住能牽後生法於滅無功故攝住入異二說攝異入住住於自剎那有功能故生已未壞說名為住故有功能異說異前法於自念無功故



攝異入住又異順滅相自性不顯故攝異入住若尔如何不攝異入  
滅耶義曰異是有法滅是滅無一是過去一是現在相貌雖有相似  
不可攝入滅相今更有釋滅相約位雖在過去而假立為相者猶在  
現在將滅之時生必滅故即此現法後無為此法滅相也以此義故  
於一刹那具有四相然此論中約實無位說故去於刹那後復有第  
四論菩薩觀此至無別有性記曰自下第二廣破外執若依薩  
婆多法外別有非色非心四相之躰別躰同時而用有先後若依成  
實同躰各時離色心等法無別四相故言同躰然初生次住終異後  
滅故是異時今大乘說若假實殊途合用異本即言相與法異不同  
成實也若推假不離實推果不離因即言法外無別四相不同薩婆  
多又三相同時不同成實一向異時生滅前後不同薩婆多一向四  
相恒同時也文分為二初約大小二相以破實有二又善男子下約



假有觀成破其實有前中有二初略破法外四相 論如是四種至  
生住老滅 記曰自下第二廣破法外四相於中初將欲破先申正  
義二此中菩薩下破邪執於中有二初明捨觀非實二又諸菩薩下  
以理別徵以破實有前中云何以故乃至無別有餘生住老滅者基  
師云何故如此不同復舉四相者以攝法遮法故若攝法牙指故唯  
有言諸行生乃至諸行住老滅若遮法須遮別有四相弊故法遍遮  
故通舉四相也問曰何故遮生中不唯言生乃至住滅亦尔耶義曰  
以住中亦有生故以生特有住等故故大生生八法等是故遮遍遮  
論又諸菩薩至當知亦尔 記曰第二文中分二初約四相以破實  
有二謂若滅法下別約滅相以破實有如是推求不可得者謂若離  
彼色等諸行等者此破生色之生亦應有生即小乘中小生也若言



一者至不應道理者小生生大生而與大生一亦大生生諸行即與諸行一是故計別有生即為唐捐乃至不應道理若言異者至不應道理者小生望大生躰相各異而生大生者即應小生與行躰異能生行躰以俱異故故不應理基師解云非行生生即小生也是行生生即大生也汝若言大生小生異者即應小生亦似大生應能生色法大生生色法亦能生小生小生生大生應亦生色法故小生非行生生能生色法應是大生行生生故二生異不應道理 論謂若滅法至不應道理 記曰下別破滅相意謂若有滅相與行性異而滅諸行者是即一滅相生一切法應滅以其躰異而相滅故譬如明生一切闇滅如是則應少用功力能滅諸行也如入滅定諸心心法一切皆滅又前由滅相生故諸行隨滅即由滅相滅故先滅諸行即應還生以無相違法故基師云判此文為第二別破滅相者不然若已



解彼生生例餘相下舉後滅破掩是一翻 論又善男子至皆是無  
常 記曰就第二假有觀成破其實有謂又善男女於三世法若是  
實有而觀為假得解脫者不應道理此返釋也與此相違是應理者  
由三世法即觀知假故得解脫 論又諸菩薩至皆無有我 記曰  
苦中可知釋無我中言了知諸法二無我性者舊論云於一切法有  
為無為無我我所如實知衆生無我及法無我相傳解云無我者人  
無我無我所者法無我今即不尔言非即有法亦非離有法者謂破  
即蔭異蔭計我也 論又諸菩薩至如理作意 記曰解涅槃寂靜  
中先法次喻法中初釋涅槃名次出涅槃後約人并言先因永斷  
者是有餘滅後無餘滅者是无餘滅其餘畢竟不起不生說名涅槃  
者由離生死因果其餘當起煩惱業苦畢竟不生說名涅槃又先因  
永斷在無間道後無餘滅在解脫道又先因永斷在加行伏上心後



無餘滅斷種子其餘畢竟不生者謂果不生以斷因故次出躰也約人并地前菩薩未見聲聞雖於涅槃口說寂靜而未能正證然彼亦有如理作意謂亦有依教思量作意 論譬如王子至如實勝解

論說

五十六

記曰次下明喻初舉全子喻次舉病人喻前中先喻後合喻中有三一以假為真喻二聞真未解喻三覺真羞愧喻言鹿牛馬象者有釋鹿居山藪故喻獨覺牛遲馬疾喻彼聲聞有鈍有利象喻菩薩基六喻四涅槃象喻無住涅槃餘三喻無餘等今可以義准合中還三第三合中三界聖人入見道時證真如理即名於真涅槃現證智 論又如病人至良醫所言 記曰第二病人喻者明教應機也先喻後合喻中有六一者患機感聖喻二者聞教轉執喻三者勸聞勝法喻四者前執不捨喻五者說教淺深喻六者愚人未解喻 論如是病



者至無所稽留 記曰合中有三初合前第五喻亦可通合前五次合第六喻後因弁清淨信言若上上勝乃至及以勝極次第者景云初三句者下名正教初說名上次說名上勝終時名上極次之三句者下名教授前令其起行有下中上配此三句後之三句者下名教誠令其離過離過有三謂下中上配此三句法教是摠下三句別奉太初三句為說菩薩乘三品道謂見脩無學三道也次三句為說緣覺乘三品道也後三句為說聲聞乘三品道也又初是上中分三品次是中中分三品後是下中分三品法教正教者方便教名法教根本教名正教也基云一釋上極等三句是聞惠深極等三句是思惠勝極等三句是脩惠三惠之中各有上中下故又法教正教是上極等三句三品教授是深極等三句三品教誡是勝極等三句三品又前三惠中一一皆有法教正教等三句次第配之



論本地分中至功德品第十八 記曰上來明能學行有其十品分之為三初之七品明其自分次有二品明勝進訖今此一品明其因成果滿功謂功勞德謂道德用功而得此德名為功德此中廣明名功德品 論云何菩薩至不虛加行性 記曰文中初問次釋有其五頌明二十七種法門二十五種正明功德從此標名退墮相似實非功德以相隨故來五頌分為四番以後二頌為一番故初頌列七名 論謂諸菩薩至甚希奇法 記曰長行次第解釋菩薩成就五種不希奇法而名成就甚希奇法者景云利益他時即如已事名不希奇尋其根本元由大悲攝他為自故知希奇基云據相而論人皆可得受是不希奇若意而論不辭此事名希奇法又自類相望不希奇二乘相望甚希奇嘿然樂味者謂默無言說默者實是樂味但為



有情而說正法又自入涅槃此默實是樂味為有情故而說正法測  
云以尋同等起諸言說第二靜慮已上離彼尋伺起言說因故名默  
然樂味而為化有情故捨諸靜慮受欲界生饒益有情故也 論又  
諸菩薩至應知其相 記曰次四可知其第七中由五因緣於諸有  
情作不虛加行乃至應知其相者謂如前供養品說若諸菩薩具五  
種相能為善之所作不虛一者於他先欲求作利益安樂二者於彼  
利益安樂如實了知無顛倒覺三者於彼善權方便順儀說法隨眾  
堪受調伏事中有能有力四者饒益心無厭倦五者具足平等大悲  
於諸有情劣中勝品心無偏黨此略解二種 論復次至無倒加行  
記曰第二頌有六門初明加行一隨護加行念惠為性二無罪加行  
智惠精進為性此二提出加行之辨後三約位三思擇力加行位在  
地前四清淨增上意樂加行謂入初地乃至七地五墮決定加行謂



八九十地無倒熾燃即是精進也 論又諸菩薩順至像似正法  
記曰二三可知第四相似功德第五真實功德此二門於莊嚴論合  
為一門 論又諸菩薩至諸應重慶 記曰略於十處無倒調伏所  
化有情等者若依舊論云菩薩調伏衆生有十種名正調伏云何為  
十種謂離諸纏離煩惱分別惡戒相傳云離纏者即離八纏離煩惱  
者謂離十使重煩惱通前為九離惡戒者謂離外道邪心分別烏鷄  
等戒通前為十此說不然 論復次至而與授記 記曰第三煩有  
五門授記有六景云一者安住種姓未發心位者即十信已前有大  
乘種姓佛與授記二者已發心位者從十信已去乃至法雲皆名發  
心位佛與授記此即一對即攝一切諸授記盡三現前位者面對佛  
前親蒙授記四者不現前位謂不來在衆佛捻與記此第二對亦攝  
一切亦可入地菩薩念念見真報佛授記名現前地前但見化佛不



見真身名不現前五者有定時限謂尔所時當證菩提六無定時限  
但據記言汝行此行當得作佛此後一對亦攝一切 論又諸至墮  
決定記 記曰三種墮決定者若依莊嚴約脩六度得六種果以釋  
決定今此但約三種以解決定即是種姓發心行方便位判如前景  
去即於前六授記之中但約自在起利他行無空過者佛與授記

論題

九

五十八

東

論又諸至寂為殊勝 記曰三四可知十寂勝中測師解六三乘姓  
中菩薩種姓為寂勝十種正願中寂初發心為殊勝於六度中精進  
般若策道為寂勝於四攝中愛語為寂勝兩足有情中如來寂勝於  
梵住中悲愍為寂勝天住中第四靜慮為寂勝聖住中空三昧為寂  
勝四等至中滅盡等至為寂勝菩提分品明二巧便中清淨巧便為  
寂勝 論復次至法施設建立 記曰第四兩頌總有九門初一頌有



四門第二頌有五門法施設中之次第結集安置制立者基云結集  
謂經安置謂摩咀理迦制立謂毗尼又三乘法次第結集其文安置  
集其義制立諸學處法測云素怛纒等十二分教如來處處散說文  
殊阿難結集處安置文句前後次第制立不增減也 論云何至無量記  
三帝相諦謂諸法之辨相語諦謂能詮教用諦即前相語各有作用增  
五門中前四安立後一非安立前四諦者景云一因諦即是集道二  
果諦即是苦滅三智諦即四諦智四境諦即所知四諦基云前四四  
諦也測云因攝世出世因果攝世出世果此即因果相對攝一切盡  
智境即心境相對亦攝一切盡增六門中前二即真妄相對後四即  
苦集滅道基云又善法名諦諦不善等法名妄諦增七門中景測同  
云一愛味是集二過患是苦三出離是滅四法性即非安立諦五勝  
解即道諦六聖諦即滅道七非聖諦者苦諦也基云愛味過患謂集



苦二諦出離謂滅諦或通達諦法性謂真如勝解諦即斷苦集道也  
增八中前四是苦諦雜染是集諦還滅是滅諦清淨及正加行是道  
諦增九中前四是苦下四行次二愛是集諦第七是道諦加行八九  
是滅諦增十中前五苦諦業煩惱是集諦次二是道諦第十是滅  
諦 論云何名理至如前應知 記曰四道理如前應知者舊論云  
四種方便施設如前力種姓品說即四攝為四方便此說不然今依  
此論四道理如聲聞地第二十五卷說觀待等四道理也 論云何  
名乘至若過若增 記曰聲聞乘七行相中一無倒惠者此出乘躰  
是別境中惠數證諦離倒二此惠所依者三藏云此是心王又此是  
定也側師云是種子依及無間滅依三所緣者即四諦四伴類者諸  
餘心所五作業者能斷惑等業用六資糧者前方便道七得果者理  
乘 論又諸至善巧作用 記曰次二可知五無量中先弁相後次



第建立六十四有情如意地說然與顯揚說頗有不同若依舊論云  
六十一衆生索訶者此翻忍也所調伏界無量中增七門者舊論云  
惡人中入小智人大智人現在調伏未來調伏隨緣調伏若得緣如  
是如是迴向此論云輕毀等泰云一誹謗三寶者二非誹非讚中容  
者三樂廣說者四樂略說者基云一輕毀如調達事以輕毀令入二  
中容如衆集取取語調伏三廣說智四略說智為銳利差別故測云  
七緣引調伏者如善財童子遇種種善知識方能入道八部衆者如  
前意地中說增九中如來所化等者測云或有一類有情唯如來所  
化如涅槃經說舍利弗有二弟子一是穿珠之子一是浣衣之子終  
不能化後到佛所佛則於浣衣者教令白骨觀於穿珠之子教令數  
息不久二人俱得道等乃至時節不同故言遠近調伏琰摩世界者



謂鬼世界琰摩王為主也琰摩此去靜息調伏方便界無量如前說  
者上成熟品具明二十六種善巧方便故舊論云如前成熟品說若  
依莊嚴論以十二分教為方便 論諸佛菩薩至大果勝利 記曰  
五大果中一法眼生起者見道二得盡漏者無學此二得小乘果三  
發大願者十信四寂勝法忍者十解已上五受持讀誦乃至令法久  
住者大教常行 論諸菩薩乘至大性之果 記曰前三唯地前四  
增上意樂大唯在池上資糧大測云二地已上景云通地前地上六  
時大位通始終七圓證大即所證菩提此與顯揚所明七大性同對  
法七大性與莊嚴七大義名異躰同與此論不同 論有八種法至  
究竟出離 記曰八法攝大乘者景云上七解大此八即解乘義於  
中前三就教并乘次三如次聞思修惠即就行并乘第七是智果第  
八是斷果即就果并乘測云前五並在勝解行位第六在初地已上



乃至九地第七在第十地第八在於佛果 論如是菩薩至能正脩  
學 記曰菩薩有十中云如是菩薩勤脩學已者即結上菩提分法  
持初文第三能脩學文此下文云十種菩薩於菩薩學能正脩學此  
上無有能正脩學即結前能正脩學第三文故知三判文不如第三  
學持初判初二有生起文無結此能正脩學無生起有結故知類顯  
略而不說分有三段也言一住種姓者十信已前二趣入者十信已  
去乃至法雲三未淨意樂者在地前也四已淨意樂者入初地五未

備錄九 六

東

成熟者九地已還六已成熟者第十地也七未墮決定者未入八地  
九地即下文言未得入決定地者未入八地未入決定行地者未入  
九地故也八已墮決定即已得入九一生所繫十住最後有者基云  
菩薩種類有三一一一生所繫如弥勒等先處人中望當佛位應有四



生人天本有及二中有如七生等名一六生若住天中半生名一一  
本有故智度論說弥勒三生說在人中除成佛身故說三也二最後  
身三坐道場此二局在成佛身位化身既尔二受用身雖不見文准  
此應悉白受用身七地以前名一生所繫八地已後名最後身更無  
生故處蓮花座名坐道場他受用身如觀音前身名一生所繫觀音  
之身名最後身處七寶座名坐道場法身無生便無此義測云如住  
觀史多天名為一生瞻部州身名最後生此約化身分別若就實身  
分別如華嚴經說於第十地受佛位現報利益即是一生所繫彼經  
復言摩醯首羅智處生後報利益即是最後身菩薩新羅因法師解  
智論說弥勒三生言人間初生天上中生還來人間後生是為三也  
論如是所說至真實菩薩 記曰菩薩名号中總有十六名景云初  
明通名次明別名菩提薩埵者對法二解一云緣彼菩提及與薩埵



發心故名菩提薩埵二云薩埵緣彼菩提發心故名菩提薩埵菩提  
薩埵名通三乘故是通名摩訶薩埵下唯在大乘名大有情故是別  
名成就覺惠寂上照明等釋得大名所以如是十方無邊乃至內德  
名別無量無邊隨德施名名亦無量

瑜伽論記卷第九